





大明英宗睿皇帝實錄卷之十三

正統元年春正月丁卯朔上詣奉先殿太皇太

后宮皇太后宮行禮畢出御正朝文武群臣及四

夷朝使行慶賀禮太皇太后皇太后俱免命嬪

朝賀戊辰琉球國中山王尚巴志遣使者任是堅

等來朝貢馬及方物賜宴并綵幣等物有差已巳

宣宗章皇帝小祥遣衛王瞻埏祭景陵上不視朝

率弟郃王祈鈺奠于北庭庚午命行在右軍都

督僉事丁信克寧夏左叅將時寧夏屢有警上以



總兵官都督同知史昭年老特命信副之 召甘肅  
提兵官太保寧陽侯陳懋身備述安綏德行在都察  
院右僉都御史鄭智還京 陞可令河衛指揮僉事  
者得兀為指揮同知授福餘衛頭目哈兒古及為副  
千戶以招諭遠夷功也 辛未命亦文山衛故指揮  
僉事阿卜哈子木花連襲職 壬申孟春亨  
大廟遣衛王瞻廷行礼 遣中官祭司戶之神 山東  
登州府知府楊順夫 山東六月布花鈔俱運赴登州  
衛撥船裝送過海給賞遣東軍士而船運不時堆積

守候多致損壞欲以廢軍儲倉為庫以貯候船至領  
運事下行在戶部請如其言從之 賞南京守東安  
門留守後等衛千戶王貴等鈔幣有差以擒獲妖賊  
緣旭林等功也 癸酉兀者左等衛指揮阿都赤等  
阿者達河等衛指揮僉事必桑加等海西嘔罕河等  
衛女直牙失等俱來朝貢馬賜宴并賜絲幣等物有  
差 巡撫直隸行在刑部右侍郎曹弘奏直隸淮安  
府所屬飢民蒙闕賑濟糧米方得蘇息但去歲薄收  
若復追徵民實艱難乞候豐歲徵納事下行在戶部



覆奏從之 甲戌遼東操備都指揮孫安奏各衛糧  
料俱未覈屯種自給今屯軍艱難所欠官糧宜俟秋  
取補納又欲量減廣寧以東屯田分数事下行在戶  
部覆奏行總兵官都督王凱定奪以聞 乙亥行在  
吏部奏天下朝覲官吏過期後至者雲南等處州縣  
凡九十六處雜稱事故於法皆當逮治 上以遠方  
官吏既有事故俱宥之 丙子以天祀 天地 上  
御正朝誓戒文武群臣致齋三日 以大統曆頒賜  
琉球國中山王尚巴志付其使臣任是堅費回貴州

宣慰使司白納等長官司鎮遠府偏喬長 官司俱  
遣人來朝貢馬及六物賜絲幣等物有差 陞行在  
錦衣衛指揮同知任啟為指揮使置都指揮使事掌  
陝西行都事賜勅勉之 守備赤城署都督僉事李  
讓奏守禦龍門都指揮汪貴等專職守備不嚴督哨  
驍致賊入境搶掠人畜請罪之 上命姑錄其罪罰  
俸半年 革貴州銅仁府稅課司以課少故也  
丁丑立春順天府官進春 上御正朝受之文武群  
臣行慶賀禮 封劄夫三竹為靜慧禪師賜以誥命



夜有流星大如杯色赤有光出天圍東南行至天  
社後有四小星隨之 己卯天祀 天地于南郊遣  
衛王瞻延行礼 命府軍右衛指揮僉事金玉署都  
指揮僉事鎮守西寧陞潞州衛千戶陳欽為錦衣  
衛僉事署陝西行都司都指揮同知事先是西寧鎮  
守及陝西行都司缺官 上命行在兵部會奉至是  
以玉等聞故有命 陞賞陝西莊浪等八衛官軍以  
征勦明寇功故也 先是提兵官太保寧陽侯陳懋等  
奏比因胡寇圍鎮藩城臣懋同侍郎徐晞等率眾

往援賊即解去後來山丹毀紅寺關兒入至寧羅口  
等處劫掠去副提兵都督李安先率官軍偵知賊營  
臣懋等擁兵進與賊戰于平川賊敗遁入山追及  
黑山又戰敗之甘州左衛指揮劉傑躍馬入陣刺賊  
首一人獲兵樞密銀印一顆抵延北沙山設伏賊  
至伏發其衆擾亂自相蹂踐生擒賊李羅云阿台桑  
兒只伯遁去追至蘄武山官軍賈勇奮擊獲其馬騾  
輜重等物領軍而還捷聞 上命行在禮部兵部設  
功賞議 乙卯督僉事之 爰為都督同知都指揮僉



事江孝后能列永俱。都指揮同知指揮使陳斌為  
都指揮僉事指揮同知王瑤等七人俱為指揮使指  
揮僉事倪安等六人俱為指揮同知正千戶袁通等  
十四人俱為指揮僉事副千戶把都等十八人俱為  
正千戶百戶楊名等三十六人。所鎮撫藏下等七人  
俱為副千戶仍賞銀兩絲幣有差其餘官軍亦皆陞  
賞有差。副廣永順軍民宣慰使司宣慰使彭仲等  
海西納剌吉何等衛指揮塔失等并貴州宣慰使司  
底寨長官司俱遣人來朝貢馬賜絲幣等物有差。

辛巳以初即位改元遣國公駙伯馬侍郎都御史通  
政使給事中等官魏國公徐顯宗等二十七人祭告  
祖陵。皇陵。孝陵及晉恭王歷代帝王陵寢并先師  
孔子歲筮海嶺等神。勅諭中外文武群臣曰仰惟  
天佑下民。我祖宗隆膺景命。開創國家。君臨四海。  
建制百司。簡任賢良。以安黎庶。以副天心。紀綱法度  
罔不備具。朕以眇躬。嗣承大統。思與天下相安。于無  
事。夙夜敬恭。惟祖宗成憲是遵。亦惟爾美良是賴。  
皆爾群臣各敬乃職。各勤乃事。政令所出。必明必允。



以求至當耳目所寄必詳必慎以求至公理民者以  
民為心徭役必均賦稅必平不奪其時不傷其財禁  
過強暴惠鮮鰥寡衣食充足禮讓興行斯角之務與  
軍者以軍為心察其饑其飢寒恤其勞苦縱毋貪刻  
毋私後使沃屯種必時訓練必精撫綏得宜攻守有  
備斯尔之祿朕体祖宗奉天保民之心一切不急  
之務悉已停罷惟尔群臣尚体朕心保奏軍民國家  
長享太平之福尔亦保祿位于悠久矣如或鰥官廢  
事縱私背公為人患害者祖宗成憲其在爾其歎

哉御製洪恩靈濟宮碑文曰蓋聞天地之大德曰  
生凡覆載之間有生之類陟織高下天之心皆欲俾  
之遂其性得其春不失其所而又出聖智英傑以俾  
勗夫造化之功故炎神之奇勲偉績代有著焉君下  
者仰天之心加神之德列諸祀典用展祈報亦代有  
載焉我皇曾祖太宗文皇帝臨御嘗夢二神人言南  
處海濱來輔家國上異之明日遣有禮官言閩中  
靈濟二真君事正符所夢遂專使亟香迎請神像至  
于北京而於宮城之西南作洪恩靈濟宮以奉祀事



因神旧號加以徽稱惟神至仁有禱輒應降福拜災  
捷如影響所協宸衷不可殫述歲時薦祭式豐以  
嚴皇祖仁宗昭皇帝皇考宣宗章皇帝率循旧  
章咸隆祗祀朕承天序統御大宝上荷聖祖母太  
皇太后至母皇太后恩德之隆願洪福于万年下  
念四海庶邦林林總總屬望之深願咸躋于度富顧  
非德其奚能惟神明之克賴仰体先志增崇祠宇  
以寅奉威灵導迎祥慶獲加神號曰九天金闕明  
道達德大先顯靈傳濟情微洞玄冲虛妙感慈惠護

因庇民崇福洪恩真君九天玉闕宣化扶教上仙昭  
灵博濟高明弘靜冲湛妙應仁惠輔国佑民隆福洪  
恩真君惟神之先厥有原本盖出竊璣之後封国于  
徐屢有功于夏商周之世至偃王脩行仁義得国人  
心致後嗣之繁歷漢暨唐功德累著至神伯仲皆南  
唐義祖忠武皇帝之子伯封江王仲封饒王並天賦  
異常且仁至之賢全忠孝之行而潛心大道精其實  
奧初俱奉命守金陵勲德兼盛民咸感悅後俱奉命  
率師入閩愛民之心与天謀民用慕戴歸者如雨閩



人建生祠于金盞之峯北。肖像致敬如嚴父。烏一日  
謂衆曰：「來歲吾与汝別，然不忍汝違及期相離，化去  
未幾，神降於人，言並奉上帝命，列職斗宮，以佐下土。  
於是閩人益虔祀，禮而禱，無弗應。祠下有潭，遇旱禱  
者，潭出赤蛇，而雲氣隨起，潭面甘雨如注。歲則天熟，  
廣溪霖潦，暴溢民庶，倉皇望詞，致懇忽有。後夫如雲  
操畚插，疏淪水不為患，而竟失後夫所在。宋熙寧中，  
閩人劉彛知桂州，禦蠻寇，韓世忠戰天儀鎮，吳玠戰  
和尚原，皆得神助，以捷若拯民于水火，延民之嗣，續

奇效，无數悉具，紀載瞭然。著明蓋神儲天地之精，稟  
五行之秀，故生有至德，後著灵明，後氣机贊化，為  
用家生民，於過邪，於沴，於集祥，於禱，愈遠而愈盛也。朕因  
書脩詞之成，并書神之世繫及其功德之大者，刻諸  
貞石，以示久遠。而係以書云：「二像之精，五緯之英，來  
為哲人，往為神人，並煇聯輝，金昆玉季，篤孝与忠，惠  
澤當世，乘颯駕雲，言歸帝鄉，功贊化育，位泰魁衡，頌  
於下民，顧諟弗已，祛矣捍惠，疑祥降祉，金盞之峰，肇  
初有詞，灵化昭宣，有祠宗師，皇矣三聖，寅奉惟一，惟



夫之揚允若皦日予承天寶祇率典常爰飭裡事爰  
迓福祥室祚之隆佑家暨國至理之興溥被民物宮  
城之西靈宇巋然皇圖神祀同千萬年 壬午行在  
六部都察院六科十三道劾奏天下朝覲官典方面  
者不能宣揚德化職風紀者不能振肅憲綱居鹽  
運而不明出納為守令而不勤撫字掌兵者不能  
私役軍人司馬者牧養無法凡諸政事日就懈弛  
悉有徵驗請寘諸法 上俱宥之賜勅戒免 癸未  
命故阿者迷河衛指揮僉事納哈出子答赤龍職以

獻陵

景陵

二衛倉歸併

長陵衛倉革罷官吏

行

在都察院右僉都御史顧佐等劾奏廣東布政司左  
叅議黃翰徇私用有過之吏請治其罪 上以翰罪  
固不可免但無職姑宥之 甲申海西劄嶺寺衛女  
直凡昌哈寺竹墩寺衛女直指僉事阿成加等雲  
南大理府副長官李羅興等貴州龍里衛長官司頭  
目楊肆等四川長河西魚通寧遠等處軍民宣慰使  
司番僧結失堅款色俱來朝賀馬及方物賜宴並賜  
綵幣等物有差 迤北鞬鞞完者帖木兒來歸奏願



苗京自劾命為試所鎮撫仍給帶冠賞賜 乙酉廣  
東左叅議黃翰言四事一今之薦人者恐被其連累  
惟求無過之人是以患難之中行伍之內抱負才器  
未盡奉揚乞令有司今後遇有真才實學不拘行伍  
不限徒流皆得推奉庶無遺才一考黜生員充吏德  
已往之荒嬉勉方來之勤謹近因定撥阻隔閩山動  
經千里携妻挈子艱苦可矜乞令有司今後黜退生  
員撥發附近衛門充吏庶免失所一差官清吏軍伍  
本以勸查隱漏不許妄攀柰何各官肆其偏見以同

其姓者為閩親住其地者為得業連年訢告不得解  
分乞令有司今後凡若此者皆須重為研究庶絕偏  
私以祛民患一各處奸狡之徒多將媼女殘疾老幼  
出名告狀詐害平民及致反坐抵誣不過的決收贖  
以此得計倚法為奸乞令有司今後凡若此者即將  
籍冊查明追究壯丁坐以其罪庶消誣罔以安良善  
上命行在禮部會設行之 行在都察院右都御史顧  
佐等劾奏四川布政司左布政使甄寔以私馬作官  
馬賣之多取價資為侍郎鄭辰所劾命其自陳乃敢



篩詞實職居方面剝削害民如此請究其罪從之  
丙戌召鎮守湖廣行在都察院右副都御史賈諒還  
京巡撫河南山東行在兵部右侍郎于謙等奏考察  
得布政司按察司府州縣官左布政使馬驕等稱職  
叅議劉登等不稱職事下行在吏部覆奏欲稱職者  
給與誥勅旌異不稱職者悉皆罷黜從之 四川行  
都司奏鹽井衛極邊地寒不生五穀軍儲勞于輓運  
支給不敷乞召商中鹽納米以省民力事下行在戶  
部議擬覆奏淮浙鹽每引米三斗伍升四川鹽每引

米四斗伍升從之 罷州貴銅仁府金錫司以詔書  
停採辦故戶部奏請罷之也 丁亥陞行在兵部武選  
司郎中呂爰正為行在通政使司右通政爰正宣德  
間秩滿加正四品祿仍掌郎中事至是尚書王驥薦  
其老成諳練宜進其職俾清理武選貼黃續語故有  
是命 戊子廣西鎮安府遣頭目農保貴州龍里衛  
平伐長官司遣提祀阿令貴州宣慰使司叅龍抗長  
官司長官蔡昇俱遣使來朝貢馬及方物賜宴並賜  
絲幣等物有差 命兀的河衛故指揮僉事王失答



子凡察覈職 湖廣五開衛奏本衛旗軍因樽節事  
例月支糧米五斗食用不足今屯糧數多乞准每月  
全支一石庶免匱乏事下行在戶部覆奏從之 遼  
東都督同知王真等遣人奏事 上啓封見中有字  
紙一葉謂行在禮部尚書胡濙白真等姑省不問治  
其首領之罪可也 己丑陞禮部主事劉孟鐸為本  
部都中以九年考稱故也 庚寅少傅兵部尚書兼  
華蓋殿大學士楊士奇言國家歲用糧儲浩大皆  
仰給江南軍民轉運不勝勞苦况河道難通少有阻

隔則糧餉不足寔非長久之計今在官軍數多除操  
練造作應用外餘者悉令於北京八府空閑田地屯  
種倘遇豐年必有蓄積可省南方轉運之費此實國  
家經久長策 上命行在戶部議行於是撥京軍三  
萬就近地下屯又言先因巡邊調選大寧都司并南  
北直隸衛所官軍更番赴京操備今天下安靖請不  
必赴京俱全下屯今巡撫巡按官巡視比較務求實  
效既省轉輸之勞又養軍士精神之氣 上謂亦良  
策也俟從容行之 行在禮部尚書胡 等奏亦馬



刺衛指揮完者虎來朝貢方物言古州地面野人克  
里忒哥伏塔哈欲赴京師但但何勅旨招撫 上曰  
帝王之待夷狄來者下拒可也何必招撫 壬辰陞  
山西司行都指揮僉事石亨為都指揮僉事都指揮  
僉事孫智為都指揮同知大同右衛百戶薛盛為副  
千戶以獲虜寇功也 甲午命行在中軍左都督任  
禮佩平羌將軍印充左副總兵行在左軍都督同知  
趙安充右副總兵仍鎮守甘肅陞右軍都督僉事李  
安為都督同知行在兵部右侍郎徐熾鎮守涼州安有

征勦胡寇功故陞任之 上命行在吏部都察院考  
察天下朝覲方面官賢否方面官各言所屬府州縣  
官賢否而去留之凡退老疾官二百五人闕茸柔懦  
官七十四人嗜酒怠惰臨政暴虐官五人不諳刑名  
官一人 行在吏部奏廣西左布政使周幹托故不  
躬朝覲令都事代行請治罪 上以廣西僻遠况幹  
獨負任事姑宥之仍令巡按監察御史責其罪狀使  
臣下知所儆 減陝西苑馬寺官吏先是少卿姜榮  
言本寺并所屬監苑官吏五十六員名事簡官繁乞



量裁減事下行在吏部覆奏以為本寺宜留卿一員  
寺丞一員主簿一員甘泉祈連二監各留監正一員  
錄事一員廣牧麒麟西寧大道四苑各留團長一員  
從之凡減去官吏三十餘人 乙未額顏河等地面  
野人指揮着不你等福餘指揮脫歡寺四川監井衛  
軍民指揮使司指揮使董貴雲南者樂甸長官司長  
官刁談貴州思南府沿河祐溪等長官司長官張珏  
寺供遣人來朝貢馬賜綵幣等物有差 丙申陞工  
部主事王祐為本部郎中

大明英宗睿皇帝實錄卷之十三



大明英宗睿皇帝實錄卷之十四

正統元年二月丁酉朔釋奠先師孔子遣禮部尚書

兼翰林院學士楊溥行礼 陞沙州衛都指揮僉事

阿赤不花為都指揮同知指揮使撒力為都指揮僉

事副千戶薛得失加著失加為正千戶百戶亦刺馬

丹舍人徹米徹為副千戶從本衛都督因那來奏請

也勅諭刺麻領占幹則兒等五人各賜以畜書海

西嘔罕河等衛野人女直指揮使卜不刺等福餘衛

指揮得都等太寧衛指揮月兒輝等并廣西鎮安府



上官岑永壽泗城州土官知州岑豹遣人來朝貢馬  
及方物賜晏并賜練幣等物有差 戊戌以三月清  
明節遣衛王瞻埏往南京祭 孝陵 遣官祭 太  
社 太稷 遣順天府官祭先農之神 行在戶部  
言河南稅糧已運給京師其打糧布亦運赴陝西邊  
衛給賞軍士存留數少今伊王奏乞添祿米難為措  
辦 上從之仍遣書諭王以糧不足用之意 勅諭  
琉球國中山王尚巴日本國王源義教曰我國家統  
有天下薄海內外罔不臣服 列聖相承無間遠近

爾為國東藩世隋職貢益永益虔王遣使來朝獻馬  
及方物禮意勤至朕嗣承祖宗大業期與四海群生  
同樂雍熙矧王篤于事久良可嘉尚使者還特賜王  
及王妃白金練幣以答遠意王其敦崇 天道仁郵  
有民永保蕃邦以副朕望 勅諭沙州衛都督僉事  
困即來學東衛指揮僉事可兒郎等還所掠西番<sub>貢</sub>物  
先是西番阿端頭目捨哈三米兒咱遣使臣兀馬兒  
沙等三十人來朝貢玉石方物至卜隆吉境上被可  
兒郎第寫令阿只加等率所部劫掠殺死兀馬沙兒



等二十一人止存亦的力思等九人脫走至京提兵  
官太保寧陽侯陳懋以聞至是遣使齎往諭之曰  
爾等各守爾土自宜敬畏何乃肆其凶虐劫殺遠人  
強掠方物自取滅亡教至即將所掠諸物給還俾得  
貢獻庶遂遠人向化之心尤見爾等忠事朝廷之意  
鎮守遼東都督同知王凱等奏義州等衛急報軍  
餘牛壯等九十五人李傑等十八人鄭次潛入賊營  
斬獲首級高陞賞切詳壯等所獲止是近邊生聚韃  
韃一家男婦不係入境剽掠賊人難照欵降榜文濫

施恩例上以榜文明示賊來犯邊出奇斬獲者陞  
賞全珙等擅出邊境害及無辜何功可錄勅諭提兵  
鎮守等官鈐束部位毋生邊釁 己亥

皇太后聖節 上率親王上壽免命嬪朝賀 庚子陞  
行在兵部主事龔永吉為本部郎中以九年考稱故  
也 陞沙州衛指揮同知兀魯思卜花為都指揮僉  
事付千戶哈兒哈老疾以其子失蘭卜伐仍陞為指  
揮僉事以其來朝躬居邊自効也命故亦達河衛指  
揮使出羊哈子失利木益實衛指揮僉事鎖羅哥禿



子阿的納俱襲職札嶺衛指揮僉事撒兒乞納老疾  
無嗣以其姪木哈連代之命右僉都御史郭智春  
贊寧夏軍務勅太監李德令命尔与通政李暹提  
督在京太倉并象馬牛羊等房倉場巡視通州抵臨  
清徐州淮安等處一應倉糧尔宜用心革弊毋令隱  
漏及下人生事虐戶細務在事安人安庶副朕之委  
任賞大同衛副千戶李安等絹布鈔錠有差以崖  
頭墩獲虜功也行在戶部左侍郎王佐等言陝西  
延安慶陽臨兆綏德寧羌漢中鞏昌秦州邠州岷州

千衛金州文縣二千戶所缺糧其部運官俱宜治罪  
上命行在戶部移文促之限以兩月不完問罪如律  
行在戶部員行郎羅通奏開平衛廣積倉原監收糧  
官俱以事繁京其接管指揮不俟交盤遽自開封支  
放必有侵盜乞命監察御史等官詣倉盤覈奏下行  
在戶部請如其言從之行在戶部言近訪得行在  
光祿寺署丞周友信受攬納戶銀虛出收糧五百餘  
石批單請治其罪上命行在都察院執友信下獄  
鞫之脩羽林等二十五衛倉廩共五百二十三間



辛丑點山西行都司都指揮僉事呂整為：事官  
字備遠東法司論整殺降當贖罪還職上特有是  
命壬寅行在戶部言向者陝西甘肅衛倉客商中  
納鹽糧虛出通關事覓遇赦今宜仍行巡撫巡按官  
覆勘果納來者准令支鹽虛出通關者追鹽還官度  
革奸弊從之陝西岷州衛千戶蘓玘奏本所旧額  
旗軍一千一百二十名先調甘州操備七十二名  
調涼州聽征二百伍十名屯田四百五十八名而守  
城之數十存其二且岷州西去四百餘里烽堠關隘

五十餘所外薄西番寇不時出沒乞照洪武間事  
例一分屯田九分守城庶緩急有備邊境無虞事下  
行在兵部覆奏從之四川永寧宣撫司王官同知  
王煇建言五事一天下衛所官軍多有父祖遺下義  
男女婿等項隨住者丁力漸多為非不一宜同行該  
實官苗應襲親屬軍留應存餘丁其餘悉發原籍當  
差一本司土民多被隣境軍民掠去四川販賣乞行  
巡按御史查究畧賣之徒悉治其罪被掠之民還業  
給親一各處有司設有皂隸不行採割薪芻却令里



甲戌日供應病損小民一各府州縣官亦有挾帶第  
姪男婿放債與販依勢擾人一日例都司衛所吏典  
皆民間僉撥近見各處于民吏外每房又多設軍吏  
二三名科害軍士俱宜禁止事下行在戶部覆奏從  
之 浙江平陽縣知縣童惠奏沿海富豪官軍多倚  
法為姦暴橫生事害善良排陷官長及誣騙攬  
為民患 上詔自今沿海衛所官軍有犯該徒流納  
米完日俱以三千里程為則調沿海別衛所 癸卯  
賜秦王志潔庶長子名曰亦銘其母周氏追封夫人

從王奏請也 擢進士王健為刑科給事中陳浩為  
兵科給事中鄭健劉實方熙為廣西南雄等處通判  
蔡錫陳惠虞瑛吳任為浙江永嘉等縣知縣 命少  
詹事兼翰林院侍讀學士王直侍講學士陳循為禮  
部會試考官錫晏于本部 禁內外法司鍛鍊刑獄  
時河南布政司右叅議邢旭言今後人命務要正官  
檢驗強盜要追真贓凶伏申詳會審若有異詞即與  
辯明違者在內從監察御史在外從按察司究問從  
之 乙巳遣順天府官祭宋丞相文天祥 直隸永



平府知府李文定奏南京及在外衙門每遇聖壽正  
旦冬至節預期進表奉行十二拜禮至期止行八禮  
俱無山呼舞蹈之儀實為太簡恭遇 皇上嗣登大  
寶宜考定禮儀增其旧制俾萬姓得罄尊君親上之  
誠事下行在禮部覆奏 上以禮有定制宜遵舊行  
之無改 以四川長寧安撫事改隸疊溪守禦千戶  
所先是都督方政平曆日謀塞設長寧安撫司隸松  
潘指揮使司至是提兵官都督同知蔣貴言長寧與  
松潘相去遼遠難以管轄而疊溪與之密通改隸為

便從之丙午以嚴逃不復業之禁先是累詔逃民復  
業者厚加優卹而民多匿鄰境州縣閑住間有復業  
者有司又不善加撫卹被人擾害由是逃者如故河  
南等布政司右叅議邢旭等官屢以為言至是行在  
戶部請揭榜曉諭指令復業其親常州縣給帖開寫  
應免糧後并毋令軍民糧里人等逼取私債及陪納  
過稅糧等項有違犯者聽持帖告理其不復業者如  
律治罪若有逃久附籍應辦糧差者審覆無礙存面  
及今在京在外官員軍民之家書揭于門壁毋令隱



藏逃戶仍令巡撫巡按官比較復業人戶按季報數  
有司怠慢者悉聽究治 上從之 丁未命故遼東  
都指揮僉事俞海姪孫泰襲指揮僉事燕山左衛帶  
俸都指揮僉事崔本子曙襲指揮僉事金吾右衛指  
揮同知王宗子弘府軍左衛指揮同知朱能弟銘燕  
山前衛流官指揮同知王成從弟忠俱襲職陝西都  
指揮同知周貴子通代為指揮使孝陵衛流官指揮  
僉事劉海子能代襲職 命故肥河衛都指揮僉事  
刺令哈子別里格襲為指揮使嘉河衛指揮使阿必

察子那刺禿兀者右衛指揮使喜列尼子桑吉塔玄  
城衛指揮同知禿路苦子孫兒哈兀子衛同知撒哈  
連子托因帖木兒俱襲職 定通州五衛倉名在城  
中者為大運中倉城外東者為大運東倉城外西者  
為大運西倉從東政使李暹等請也 下應城伯孫  
傑子錦衣衛獄時給事中御史劾傑誘取良家子為  
妻 上令戴頭巾于國子監讀書冬祀際慙不謝恩  
為鴻臚寺所奏下三法司廷鞫論以大不敬斬  
上命固禁之 應天府江寧縣民奏本縣地荒官田令



民佃種已有詔例准民田起科而糧長不遵一依官  
田金徵民常其害又巧立過鄉名色每年夏稅秋糧  
索取麥稻以致小民逋欠奏下行在戶部覆奏令巡  
撫侍郎体寔俱聞以憑究問上恐累及平人但令  
移文禁止之行在戶部言先因布賤米貴奏准予  
秋糧內每米一石折布二匹令廣西等布政司奏稱  
折重虧民宜仍舊米一石折布一疋從之戊申貴  
州金筑安撫司頭目趙崇及上馬橋等十六長官司  
廣西太平府奉議州土官知州黃宗蔭萬承州土官

知州許永誠安平州土官知州李森都康知土官男  
馮智海等俱遣人來朝貢馬賜綵幣等物有差已  
酉先是行在兵部奏天具左衛軍人胡用等係四川  
建昌交趾雲南貴州等處土民自陳孱弱不堪操用  
兼且不服水土乞調四川雅州等邊關守備上念  
跋涉遠役不無失所給與越王衛王郟王府中使令  
每府六十餘戶賜莊浪寺衛指揮王英等銀兩絹  
布有差以殺虜寇功也直隸隆慶州永寧縣知縣  
張宣奏永寧間人民荒落雖立縣分未設學校近者



築完城垣又將永寧隆慶二衛移入城內軍民子弟  
頗知向學乞設儒學作養人才事下行在禮部覆奏  
從之山東登州府棲霞縣奏奉行在戶部勘合催  
徵宣德九年十年飢民閔過米麥一萬四百餘石還  
官緣本縣連年旱澇人民缺食見納糧草俱未完足  
乞暫停止奏下行在戶部請俟今歲秋成徵納從之  
巡按直隸監察御史戶鏗言臣奉敕赴兩淮等處  
巡捕私鹽而所獲鹽徒多江南常熟江陰等縣民在  
于直隸揚州府通州及泰州如臬縣石莊等處巡檢

司界徃來與販官兵巡捕反被傷害其親帶官司故  
縱不禁所在巡檢司亦不擒捕宜並治罪乞行江南  
軍衛有司巡檢司各設法巡捕禁約從之 夜五鼓  
月犯軒轅右角星白虹一道貫月 庚戌行在吏部  
言北京行太僕寺丞崔奎九年任滿七十二歲例  
當致仕 上以奎精力未衰特畱用之 徒遼東廣  
寧衛大率馬嶺驛於小率馬嶺以總兵官巫凱奏大  
率馬嶺山路迂險故也 辛亥貴州烏羅府朗溪蠻  
夷司土官田行泰乖西蠻夷長官司土官楊暹等違



入貢馬賜絲幣等物 壬子陞行在鴻臚寺左少卿  
張隆為行在通政司右通政隆在永平等處督理糧  
草至是九年任滿故有是命 命故弗提衛指揮使  
陳帖木子木當哈兀者衛指揮僉事不彥不花子忽  
刺谷俱襲職 咸通州等五衛軍斗一百六十餘名  
時通州等五衛訴本衛軍多狡占僉用不敷故也  
癸丑以嘔罕河衛頭目卜兒格沙籠哈阿里哈沙兒  
忽失刺兀者右衛頭目弗刺谷俱為指揮僉事從  
本衛都指揮弓勝等奏請也 命貴州宣慰使司故

宣慰使司安中姪聚弗思木衛故指揮使察罕帖木  
子木當哈俱襲職 河南布政司右叅議邢旭言天  
下府州縣倉糧例應正官臨收放近見各府知縣倉  
糧例應多委屬官監收縱容官備作與糧多虧折乞  
令巡按監察御史點察究問事下行在戶部覆奏從  
之 少師隆平侯張信奏臣故母詹氏殯于南京有  
年自臣扈從北來墳塋尚未脩葺臣今年及八寡存  
日無多乞暫往南京少加營理庶盡人子之心不然  
死不瞑目矣事下行在禮部覆奏從之 誅行在戶



部郎中蔡棣錦衣衛百戶王興棣初以糧儲事在  
廣東索求財物人口枉道回家為巡按御史金敬所  
發命興往執之興受賂其在途遷延差人逮捕至京  
法司會問擬罪以聞上以棣等情罪深重法司擬  
非其律復命鞠之法司覆以重罪上曰蔡棣王興  
受賄玩法甚視朝廷其可容乎命斬之于市以警其  
餘甲寅行在吏部言各處府州縣典史吏目稅課  
并河泊倉官多缺員今國子監生久有白首不能  
一命者乞毋拘常例將宣德元年以前入監年四十

五十之上者授以前職上以太學儲育人才以備  
任用而淹滯如此聽其授職乙卯教諭龔壽公侯  
伯曰尔等皆由祖父秉忠效誠事我祖宗披堅執銳  
冒犯矢石艱難萬狀建立功勳獲膺爵祿以傳子孫  
為子孫者當思前人致之之難而勉夫保之之道若  
應伯孫傑昔在先帝時常經任使所致之處貪淫  
無恥屢罹刑憲朕念厥祖之功特垂寬恕但念子國  
學讀書俾之迂善改過彼乃不知感激反成怨恨罪  
何逃焉孔子曰見賢思齊見不賢而內自省爾等其



視善者以為法不善者以為戒講究兵略精通武藝  
悉從成國公提督操習不許怠惰少暇宜究書史講  
明義理而篤行之庶几朝廷將來得尔之用尔祖父  
爵祿亦永遠不墮矣豈不垂芳名于無窮哉其勉之  
敬之命兀者衛指揮僉事伯顏不花子忽剌吞襲  
職海西劄童衛女直頭目亦免來貢方物并獻所  
收銅印一顆賜綵幣等物雲南金齒軍民指揮使  
司奏本處亦有俊秀子弟乞開設學校以教育之事  
下行在禮部覆奏從之從四川威州保子關巡檢

司于三岔月口仍命巡檢董敏滋司事從提兵官都  
督同知蔣貴言也夜月生五生暈丙辰行在禮  
部尚書胡浹等進經筵儀註先是少傅兵部尚書兼  
華蓋殿大學士楊士奇少傅工部尚書兼謹身殿大  
學士楊瑄禮部尚書兼翰林院學士楊溥言伏惟  
皇上肇登宝座上以繼承列聖下以統御萬邦然其  
根本在致力于聖孝自古聖矣之君未有不由講學  
而能致治者也書曰王人求多聞時惟建事學於  
古訓乃有獲又曰僕臣正厥后克正僕臣諛厥后自



聖后德惟臣不德惟臣由是觀之凡經筵講讀之官  
左右侍從之人必皆選正人用之君德庶有成也於  
是上命太師英國公張輔等推奉講讀官以聞  
上賜勅諭以輔知經筵事士奇榮溥同知經筵事少詹  
事兼侍讀學士王真少詹事兼侍講李士陳循侍讀  
苗衷侍講高穀脩撰馬愉曹鼐兼經筵官翰林春坊  
等衙門儒臣分直侍講又以太子太保成國公朱勇  
少保兼工部尚書吳中吏部尚書郭繼禮部尚書胡  
濙兵部尚書王驥刑部尚書魏源都察院右都御史

顧佐侍班至是禮部進儀注一每月初二十二二十  
二會講直殿內官先一日于文華殿設御案于御座  
之東稍南設講案于御案之南稍東是日早司禮監  
官先陳所講經書以天學一冊經以尚書一冊置  
御案書在東經在西又各以一冊置講案講官二員  
各撰講義一篇預置于冊內上御奉天門早朝畢  
退御文華殿將軍侍衛如常儀鴻臚寺官引三師三  
少尚書都御史學士及侍講執事等官于丹陛上行  
五拜三叩頭禮畢以次上殿依品級東西序立侍儀



御史給事中各二員于殿內之南分東西北向立序  
班二員奉御案置御座前二員奉講案置御座之南  
止中鴻臚寺官贊進講二官一員從東班出一員從  
西班出詣講案前北向並立鴻臚寺官贊鞠躬拜叩  
頭興平身畢翰林執事官一員從東班出進詣御案  
前跪展書冊畢退立于御案之東稍南講官一員進  
至講案前講書講畢稍退執事官復詣御案前跪掩  
書冊畢退就東班又執事官一員從西班出進詣御  
案前跪展經冊畢退立于御案之西稍南講官一員

進至講案前講經講畢稍退仍並立執事官復詣案  
前跪掩經冊畢退就西班鴻臚寺贊講官鞠躬拜叩  
頭興平身禮畢各退就東西班序班二員舉案二員  
奉講案退置原所鴻臚寺官贊禮畢上還宮一每  
日止用講讀官四員奉士輪流侍班不用侍衛侍儀  
執事等官侍班講讀等官入見行叩頭禮東西分立  
先讀書次讀經或讀史每件讀十數遍後讀官直說  
大義惟在明白易曉講讀後府書官侍上習書畢  
各官叩頭退教諭凡也吾衛故指揮使倒置沙男



阿哈你曰尔父在昔能敬順 天道歸向朝廷特降  
恩命授以官職不幸為人殺戮尔年尚幼離去有年  
能克成立遣指揮牙失納來朝久欲親詣闕廷誠意  
可尚尔宜酌斟彼處事情可令來則來否則任于彼  
處安居遂命阿哈你襲父原職 勅提兵官都督同  
知巫凱等曰得奏欵于原調在京官軍二千入內選  
苗七百人操備已欵兵部唯尔所言令都指揮王欵  
統率至明年春還京不必更代其餘官軍即令都指  
揮孫安翼亮領回其都指揮徐政仍遵前勅往開原

協同都指揮鄂容等整飭邊備馬匹兵器亦唯尔等  
擇堪用者存之馬足須調習兵器須點檢毋致損失  
軍士遠後方困尤須加意撫卹之 大同提兵官都  
督同知方政奏有達賊二百餘人入採掠山至軍房  
口与陽和等衛官軍交戰陽和千戶葉林等奮勇酣  
戰而指揮兵昂李政千戶鄧昇等畏縮不進林与其  
部下五人力竭而死百戶馬進等亦被創官軍遂潰  
人賊近百人從黃牛坡採人畜北去都指揮石亨等  
率裒追奪爭先奪擊賊大敗走獲馬三十餘足鎧甲



多矢衣裘等物稱是。上降敕責之曰：爾等平素不  
嚴備禦，以致邊境多虞，寇至不能出奇制勝，以挫其  
鋒。事敗却又支吾具奏，以掩已過。論法俱在不宥。姑  
從寬貸，其指揮丘昂、李政、粟首以狗千戶鄧昇等六  
人俱杖一百，編入伍。戎使裔自效葉林寺已，令兵部  
議功。仍從鄧昇等追取米布給其家。丁巳，琉球國  
中山王尚巴志遣陪臣程安等并海西女直那木塔  
山等衛賽罕等俱來朝貢馬及方物。晏賜并賜綵幣  
等物有差。刑陞戶部郎中戶興止，四品俸。壬申，李文

禎為本部郎中，復賈方戶部主事。時興文、禎俱九年  
考滿，方候缺。適戶部以馬牛房草場新收糧草甚多，  
欲不為長例，增設官監收吏部，以聞。故有是命。命  
脩高王中宗廟，從僉都御史魯穆言其朽敝也。甘肅  
左副總兵都督同知劉廣奏比聞來降胡娟脫歡  
等言賊首阿台并朵兒只伯等向被大軍殺散，各遁  
于亦集乃。并言不剌山潛住馬疲糧絕，欲糾合八寇  
脫歡、夫阿魯出同叔脫歡合兒寔迫來降，為鎮番巡  
哨官軍殺死。其官軍擅殺來降者，法宜究問。上以



胡婦所言恐設間誘我師遠出乘虛入寇宜遣勅諭  
提兵鎮守等官嚴加哨備毋失事机其擅殺罪悉置  
不問 已未勅南京守備太監王景弘等及襄城伯  
李隆參贊机務少保兼戶部尚書黃福曰朕夙夜惓  
惓惟体 祖宗愛恤百姓之心一切造作悉皆停罷  
今南京內官紛々來奏欲取幼小軍務及匠夫指以  
不敷為名其實意在私用俱不准理勅至尔等宜益  
警省凡事俱從儉約庶副朕愛恤百姓之心 行在  
吏部言浙江右布政使艾瑛奏稱風疾乞還卿調治

緣瑛先以九載任滿戶部劾其任內稅糧逋負者以  
多責瑛徵完未報 上以瑛或托疾求免俟查報完  
日計之 罷貴州按察司僉事程遠為民以行在吏  
部言遠嘗點視驛傳受賄侍郎鄭辰等考其有玷風  
憲故也 陝西都司都指揮同知王禎私役軍件占  
種官田事覓陝西按察使王文等請罪之 上曰禎  
武人知利而不知法姑記其罪俾畜自新如其不改  
必罪不宥 庚申海西女直指樺木花連來朝貢馬  
奏願面京自效太寧衛遠子帖木兒男嬪四人來歸



俱給賜衣服房屋等物安插居住 陝西按察司副  
使金濂言五事一承平日久各處官軍習于晏安多  
不諳練武事一旦有警何以為用乞敕五府并各都  
司選擇諳曉武畧曾經戰陣頭目不分致任見任凡  
遇缺官衛所分調一員以教習操練一寧夏中衛東  
寧夏西抵莊浪實保障重地而本衛官軍數少乞將  
慶陽等衛帶操軍士并長寧等驛偏僻處所原編站  
甲選取一千名調赴本衛相兼守備一漢中府衛實  
陝西四川河南湖廣地界相接之處每有逃犯嘯聚

為非而本衛官軍見調寧夏操備乞專任都指揮一  
員鎮臨其地仍取回調操官軍以備不虞一西安府  
原降鐵斛銅尺木秤便于收夫今甘肅等衛倉倉因  
無前項斛与秤尺作與多端乞行各布政司及直隸  
府州悉照原降式樣成造凡遇收夫以憑較勘一教  
養人才必先經史比年師儒多不得入乞令內外諸  
司凡山林隱逸及科道發身官員因事罷職拜罰後  
者有能通曉經學薦奉除授仍令其上同時加考較  
事下該衙門會議覆奏從之惟教官有犯貪淫者仍



不該濫奉 襲封衍聖公孔彥縉嫡母夫人胡氏卒  
遣官諭祭 辛酉書復秦王志潔曰所喻庶人高炆  
已到秦愆王墳園居住復令軍校輪流防守足見區  
畫之密今以嫌疑為慮又欲都司布政司令人防守  
甚非所宜且先王寢園豈容外人出入若尚炆仍不  
守法朝廷當別有處置叔但以親 為念待之以禮  
又何避嫌之有 陞升蒙古衛指揮僉事倉見吉為  
指揮同知以福餘衛頭目鬼里赤桑加連泰寧衛頭  
目月兒歡俱為指揮僉事蒙古衛舍人省吉為百戶

從都指揮且旺失加等奏請也行在光祿寺鄉款郁  
奏所畜雞豚之屬數少供應不敷欲令順天等八府  
給價收買應用 上以畿內人民艱難可於在京奉  
牲所取給如更不敷于內府各監局取給用之 壬  
戌書復于滋王貴烱曰所喻畜書印記聽王刻用教  
授已令吏部選去乏人使令已勅兵部于荊州屬邑  
僉撥杖輻等件亦宜造奉第緣百姓艱難朝廷一應  
造作悉皆止之宜体朕此意可于府中自行如製造  
用度不重擾於民惟叔祖亮之 雲南楚雄府定遠



縣把事男楊樂貴州普定新添守衛十二營長等官  
司長官色鳩等供來朝貢馬賜綵幣等物有差命  
故阿者迷河衛指揮僉事吉察兀子看赤兀木忽刺  
河衛指揮同知塔刺赤年老命其子永的代之行  
在禮部引會試中式奉人刑定之等一百人陞見  
大理寺左寺正李從智言雜犯死罪贖未完又犯雜  
死罪者律無定律詔三法司定律刑部言宜決杖一  
百再收贖鈔三十六貫仍照先犯原擬發落三犯奏  
請區處從之 癸亥陞直隸蘇州府吳縣主簿吳復

為本縣知縣時巡撫侍郎周忱言復九載任滿縣民  
一千八百餘人保其廉能不忍釋去故有是擢 華  
廣西龍州遞運所 甲子陞四川江津縣知縣表旭  
為直隸寧國府知府應天府上元縣葉俊為山西太  
原府知府陝西咸寧縣知縣孫浩為湖廣辰州府知  
府從行在吏部會官奉之也 行在禮部尚書胡濙  
奏三月初一日殿試貢士合請執事官 上命少傅  
兵部尚書兼華蓋殿大學士楊士奇少傅工部尚書  
夏謹身殿大學士楊榮少保行在工部尚書吳中行



在吏部尚書郭璉禮部尚書兼翰林院學士楊溥行  
在兵部尚書王燧行在刑部尚書魏源行在都察院  
右僉都御史顧佐行在戶部右侍郎吳璉詹事府少  
詹事兼翰林侍讀李士王英行在大理寺右少卿程  
富行在翰林院侍讀李士李時勉錢習禮為讀卷官  
餘執事如例 乙丑陞嘔罕河衛都指揮僉事乃勝  
為都指揮同知右城衛指揮使木谷兀益實衛指揮  
木當哈為都指揮僉事也孫淪衛指揮同知卜不刺  
考郎兀衛指揮同知薛列河為指揮使栗林山衛指

揮僉事扯養加忽魯慶衛指揮僉事苦出納禿都河  
衛指揮僉事也兒奇老哈河衛指揮僉事八思塔為  
指揮同知渚冬河衛百戶曠不花為副千戶可冬河  
等衛頭目及羊加等十一人俱授付千戶以乃勝等  
來朝接例奏請也 夜火星犯天衛下星 丙寅太  
子太保成國公朱勇等言臣等家俱扶教書者  
上以公侯伯皆承祖宗爵位須令知忠君親上之道  
命行在禮部擇通經秀水各除教官一員与之自後  
勲臣有請悉如例 守禦赤城署都督僉事李讓奏



守禦龍門都指揮江貴先因巡邊掠取民財事覓私  
斂所部月糧以饋又差遣不公致降度衛誦去官軍  
馬匹倒死數多請治其罪上以貴屢犯不悛逮治  
之入山西平陽府解州夏縣丞孫鳳奏臣自受任  
以來夙夜供職邑耆老累以臣公勤政績言于府及  
布按二司巡按御史者前后凡三千人今御史趙紳  
因挾小忿以暴虐點臣情寃抑乞賜辯明行在吏部  
以其言未可信請下法司究問上命移文巡按官廉  
察其實以聞毋以直為枉言夜有流星大如杯色青

白有光出星宿西北行至濁



大明英宗睿皇帝實錄卷之十五

正統元年三月丁卯朔上御正朝策會試奉人劉

定之等一百人制曰自古帝王肇造國家高惟寧永

必有典則以貽子孫考之禹湯文武縣可見矣繼統

之君率由典常令聞長世若夏之啓商之中宗高宗

祖甲周之成康蓋表之者也其所以保盈成之道隆

太平之績者尚可徵與漢高帝有天下次律令制禮

儀定章程脩軍法史稱其規摹弘遠矣傳至文景海

內富庶黎民醇厚幾致刑措三代而下所僅有也董



仲舒對武帝乃謂更化則可善治柯與當世用其言  
果能比隆于古欽朕欽承天統仰惟祖宗憲即克  
舜禹湯文武之道肆夙夜祇率期與斯世斯民同躋  
雍熙顧行之必有其序諸生李宗孔孟明于王道其  
詳著于篇朕將觀覽焉書復與山王貴燮曰承喻  
使令乏人已勅兵部于荊州府納校尉十名祿米亦  
勅有司昭如數進納但小民艱難宜嚴戒下人毋  
得凌侮侵損勅南京守備內外守備太監王景弘  
等曰比聞南京承運等八庫遞來收貯財物數多恐

年久損壞員累攢人等勅至爾等即令各庫各官員  
公同棟閣除新收堪用之物及一應軍器顏料等項  
并堪久貯該用不壞物件存留備用其餘一應損壞  
及不該支銷之物悉令銷戶估值另項收貯聽候支  
銷未幾又命行在戶部盤點則在京各庫仍以是勅  
之 咏哇國遣使貢方物并海西弗罕克河衛女直  
指揮孛羅多等雲南姚州把事何考來朝貢馬賜安  
并賜綵幣等物有差 琉球國使臣漫泰來結制等  
言初到福建時上具國王進貢方物以聞有各人附



賚海糧踴穀九十海已五萬八千一時失于自陳有  
司以為漏報之數悉送入官因乞賚賑懇乞給價  
上命行在禮部悉如例給之 行在戶部奏本部先以  
湖廣衡州府倉糧數多恐積久腐壞奏准除存留外  
余令附近奉陵等衛預領止統元年官軍俸糧今提  
兵巡撫巡按等官又欲再領止統二年官軍俸糧宜  
從其請但關運路遠乞每軍月增二斗從之 直隸  
保定府易州完縣各奏連年薄收人民缺食乞時該  
徵草束折收鈔豆事下行在戶部請俱折豆仍令本

府查照訖災州縣一體折收從之 巡撫陝西為事  
官羅汝敬奏提兵官太保寧陽侯東懋以陝西布政  
司定撥給軍糧少移文仍催宣德九年以前負欠稅  
糧臣計行都司在倉及起運官糧足以接用其欲徵  
遞年負欠暫停止奏下行在戶部覆奏從之 戊辰  
上親閱奉人所對策于文華殿 陞遵化衛指揮使陳  
亨為都指揮僉事鎮守密雲先是鎮守密雲都指揮  
僉事馬驥有疾奏乞代回兵部推亨歷練老成故擢  
任之 初貴州按察使應履平劾奏廣東提兵官右



都督山雲專弄杈柄松作威福 上以所奏示雲令  
其自陳至是具寔以聞 上以雲既輸情實宥之不  
問仍降勅戒諭之 錦衣衛卒皇甫經月稱校尉行  
事取人財物事覓下法司詞連兵部侍郎李郁陝西  
叅政李納備邊都指揮徐政云約嘗為兵部郎中受  
賄賂編其伍於錦衣衛郁以經鄉人當政署事錦衣  
時囑遣經捕亡卒于陝西法司以聞 上曰郁為大  
臣可松托邪政之遣人其同官豈有不知者姑止勿  
逮俱令自陳命法司執約尋鞠之 己巳陳蘭厚傳

臚賜奉人周旋等一百人進士及第出身有差文武  
百官行慶賀禮 調萬全都司都指揮僉事卞福大  
寧都事都指揮僉事石得往廣西備禦先是福等犯  
受財法枉絞罪罰工完日還職兵部請如例調用故  
有是命 庚午晏進士于行在禮部命太師英國公  
張輔待晏 辛未賜狀元周旋朝服冠帶諸進士鈔  
各五錠 采林山等衛女直指揮劄禿右城等衛女  
直指揮若亦不花等雲南定遠縣把事李狄俱來朝  
貢馬及方物賜晏並賜綵幣等物有差 行在兵部



右侍郎李郁下獄以自陳私托之罪也 壬申狀元  
周旋率諸進士上表謝恩 迺北遠子猛可等二人  
來歸首馬賜衣服等物安插如例 行在戶部奏各  
處漕運時至倉廩無空閑者請御給在京官吏軍校  
人等夏季三月俸糧從之 癸酉書復永嘉大長公  
主所喻武定侯郭瑄之事皆 先朝時所為朕為念  
親之已令郭珍為錦衣衛指揮僉事侍奉左右矣况  
祖宗姑謹厚之德皇家威嚴素所推重豈屑之與人告  
誥者哉此奏必出郭珍所為若付法司罪不可逭今

且容之望 曾祖姑以大義訓珍令守禮法若執迷  
不悛 祖宗之法其在朕不敢私 鎮守陝西右付  
都御史陳縝奏山丹衛達賊入境殺死指揮陳紀并  
傷旗軍焦旺等搶掠牛馬又殺死饋餉民人 上降  
勅切責甘肅提兵以為統領官軍在彼不知所幹何  
事仍令兵部移文都督任禮等查究悞事官軍執問  
如律 命萬全都司隆慶左衛指揮僉事魯瑄守備  
龍門所先是守備都指揮汪貴苦害軍士被罪下獄  
兵部薦瑄年力精壯且有識見故命之 行在刑科



給事李原縉謁告歸湘鄉聞 宣宗皇帝晏駕不衰  
臨晏妾湘鄉儒學訓導李士崇奏其忘君不法 上  
命法司收治之甲戌大同總兵官都督同知方坎等  
以官軍殺獲達賊第其功次以聞 上命先登及陣  
亡者陞一級被傷官各賞鈔七百貫絹四疋被傷軍  
鈔五百貫絹布各二疋 命巡按山西監察御史鞠  
會管糧叅政沈固覈邊衛倉糧官攬有作弊者即鞠  
治之從瑜請也 脩通州等衛倉一百四十間三  
乙亥

上御經筵講畢賜知經筵官同知經筵官侍班官每員  
銀五十兩絲段四表裡鈔五千貫兼經筵并講讀官  
員人等賜各有筮復賜晏于左順門 陞錦衣衛正  
千戶韓剛為本衛指揮僉事 行在戶部言慶長王  
弟美塚既封鎮同公歲該祿米一千石宜行山西布  
政司支給從之 行在禮部尚書胡濙等奏副榜奉  
人趙能等三百九十名例送吏部除授教職不願就  
者刘清等六十三名當送監及依親讀書從之 行  
在祿光寺卿郝郁等奏醞煮酒需帑劄榮麻諸物請



令順天府買用上以百姓艱難事皆從簡帛劄可  
取給于法司餘物十取其一用之 丙子太師英國  
公張輔等以經筵賜宴賞上表謝恩 單雲南布政  
司花架英武祿德發助高來等驛先是馬牌矣細等  
言洪武初各驛皆已裁革永樂初復設緣僻處山間  
使客不由事下行在兵部請令雲南布政司覈寔至  
是以聞故革之 免麓川平緬軍民宣慰使司所欠  
差發銀本司歲徵差發銀五百兩自宣德元年至七  
年止納銀一千三百五十兩尚欠二千一百五十兩

宣慰使司任發訖本邦侵占地方百姓希少所欠銀  
無從辦納事下行在戶部言係金牌信符催徵之信  
不可免 上念遠人命從詔書例免之 丁丑清明  
節遣官祭 長陵 獻陵 景陵 朝鮮國王李禔  
遣陪臣南宮啓等來京謝恩貢方物 四川烏蒙軍民  
府女土官撒姑遣叔阿祿等海西納刺吉等衛女直  
指揮連魯加等俱來朝貢馬賜晏并賜絲幣等物有  
差 萬全都司署都指揮僉事張孟詰奏沿邊守墩  
旗軍年久未得更代今各邊俱有巡哨官軍可以分



撥守堡其原守堡步軍及無馬官軍經年在堡閑住  
虛費行糧乞令退回各衛輪流守墩 上命提兵官  
左都督譚廣等會議以聞至是廣等言西洋河口等  
堡俱係緊要地方恐遠賊犯邊急難隄備都指揮朱  
謙等所領棟選官軍專一沿邊哨備策應難以分撥  
守堡今照指揮文弘廣等所領官軍均崇溝堡及新  
開口大白楊等堡相近合將數堡官軍退回輪班守  
墩半年一換從之 戊寅擢第一甲進士周旋為行  
在翰林院脩撰陳文刻定之為編脩賜羊酒晏于本

院選進士王鑑劉載余忬王尚文伊侃李震王忠上  
儒徐珪秦瑛古鏞顧惟雷復為庶吉士於本院讀書  
命少詹事兼侍讀李士玉直少詹事兼侍講李士玉  
英教習文章其餘分各衙門覘政 江西按察使石  
璞等奏所屬諸縣耆老唐言江西官覘政使肅丹教  
民陶尾脩築陂塘蜀旌陽令許遜嘗至豫章誅蛟戮  
虺皆有功德于民宜在祀典臣等欲以許遜鐵柱宮  
廟猶有可奉祀事肅丹廟廢已久可于鐵柱宮旁空  
廟內祀之以慰民望事下行在禮部覆奏從之 已



卯兀者左寺衛指揮同知滿哥克寺來朝貢方物廣  
西龍州寺衛門土官趙仁寺息城州寺衛門土官趙  
福惠寺貴州新化龍里寺蠻夷長官司各遣人貢馬  
賜絲幣等物有差 增南京旗軍人寺月糧時在戶  
部奏其用度艱難有室家者宜用月增米二斗無者  
增一斗五升從之 行在戶部奏兩淮運司鹽課負  
多其官吏考滿赴京者宜發回任俸責限催課其有  
滿而未離任者免其赴京令一體催徵從之 罷四  
川左布政使甄實為民實為侍郎鄭辰奏黜自陳男

璫嘗以自已馬留與馬夫郭堪鑿多配其直事覓故  
連及臣 上以方面重臣而縱子弟剝民財咎將誰  
歸卒黜之 順天府大興縣民物地五千畝被行在  
錦衣衛指揮林觀千戶朱喜占種至是民婦訴係故  
夫祖業家道貧窮乞賜給還 上命行在戶部覆實  
還之 庚辰免行在都察院右都御史顧佐戶內軍  
後佐父澄洪武間為大同府稅課司大使坐事謫戍  
貴州普安衛至是佐陳情 上以子能蓋父之愆故  
有是命 行在天里寺右少卿陳自考察順天府所



屬州縣官勤慎并酷刑急事者疏聞 上命行在吏部更加詳察而去而之 宥鎮守山西都督李讓罪時巡按山西監察御史陳璇奏讓貪婪不法等事請治其罪 上以讓在邊境亦曾効力姑記其罪俾圖自新若再犯不宥遂令都指揮馬貴協同守備行在兵部尚書王驥等劾奏都督史昭縱賊長奸失机悞事請治其罪 上以昭老成姑置不究封所奏示昭勅令嚴加督官軍用心哨備再廢不宥 改建雲南廣邑州先是永昌衛千戶所故土官副千戶呵牙子都魯奏世居金齒廣邑賽祖千永樂初招集生蒲五千余馬步官軍一千七十餘人請另立衛門掌管宣德五年准改賽為州以都魯為知州既而本所千戶楊廣奏都魯以招集生蒲為由希求陞用冒請立州以軍作民畏懼征差 上命兵部移文都布按三司覆實至是其奏永昌千戶所原管馬步官軍分去廣邑州者宜還隸本所其餘丁戶籍並生蒲五千餘戶宜隸本州并改建州治于順寧府右甸地方為便從之 壬午迤北阿魯台下達子兀郎阿歹來歸賜



衣服房物等屋安插居住。行在上部奏梁王瞻垧以所居朽弊且僻在城西地形卑窪欲擇爽塏者以居。上以湖廣連年荒旱軍民艱難王府豈易更建其令三司于秋成後脩理。癸未加封安成公主為安成大長公主仍復書曰所喻增添祿米數年荒旱百姓艱難朝廷所用糧餉不敷姑如旧支用。鎮守大同太監郭敬奏原給有馬官軍一千內選擇五百跟隨累出口提督守備今御史給事中奏朝命將原跟隨人馬調散乞仍付与曹領有警當先殺賊。上

命兵部移文提兵官都督同知方政等集議以聞。至是政等言敬原領官軍五千人已選入三千營內編定隊伍宜于各衛見操有馬官軍內另選五百人隨之。上以為然仍令政等同操練有警聽敬等領殺賊毋得私役出獵如違不宥。省陽和衛指揮僉事卞永鎮等衛千戶曹鐸等死罪先是大同提兵官都督同知方政奏永等率領官軍巡邊出哨隄備不嚴被遠賊掩襲射傷軍人搶去馬匹遂命鎮守等官執問至是擬罪如律。上省其死俱罰俸一年。行在



吏部奏行在刑科給事中王傑未授職時已聞父喪  
踰八月不奉按職後人二十二日始奉是豈人子所  
忍為者 上令法司鞠治發原籍為民 大同提兵  
官都督同知方政等奏乞存留先調大同備禦在京  
操備官軍二千人兵部言前項官軍因一時邊方有  
倣暫調守備該今年取回難以存留 上命姑存一  
千備禦待正統二年春仍取回京操備又奏大同前  
寺衛安插原調太原三護衛官軍二千四百餘人武  
安侯鄭亨請開設山陰馬邑二千戶所修築旧城移

居屯守今者得山陰馬邑其地巖灘難以築城况各  
官軍多有選入三千營巡哨及習熟神銃手隊伍已  
成不宜調為二處分其勢力乞照地名各所管事仍  
于天同城內安插從之 四川行都司奏鹽井衛係  
是邊地宣德四年以前未運到糧衛米二萬九千餘  
石宣德五年至十年糧俱未運納官軍官軍乏食乞  
催納之又本部司因犯乞于本衛納米贖罪奏下行  
在戶部覆奏從之 夜月<sup>生</sup>左右珥色黃白鮮明 甲  
申賜靖江王佐敬嫡長子名曰相承 命行在上部



尚書李文直提督京倉糧儲行在大理寺右少卿陳  
恭改行在通政司右通政提督供應柴炭行在工部  
郎中歸翼陞右大理寺右少卿提督大木廠勅南  
京守備襄城伯李隆等令編馬快船每五十隻為一  
班遇有官物差撥裝送行在兵部尚書王驥同公  
侯駙馬伯五府六部都察院等官劾奏甘肅鎮守總  
兵官太保寧陽侯陳懋失机誤事以致達賊入鎮番  
等處殺傷官軍搶掠孳畜副總兵劉廣恥居懋下凡  
事推避軍政多被沮敗肅犯涼州懋屬廣援之廣引

避不進擊副總兵李安與肅賊廣又不助之比肅自  
遁去乃昌取所遺老弱為都指揮馬亮昌英及子傑  
等功受陞賞李安亦不能協心同事雖有殺賊微  
功不足贖罪右侍郎徐晞職專恭贊既不能匡濟又  
不具寔以聞太監王貴少監林壽俱偏執已見沮壞  
事机請治其罪上以貴在邊曾效勞西宥之安有  
殺賊功亦記其罪懋壽取回晞姑釋不問亮英削去  
陞職令當先殺賊立功廣父子縱賊懷奸其械赴京  
治之鎮守陝西都督同知鄭銘等奏寧夏中衛与



左屯守衛俱在黃河迤北接遼今左屯守衛軍士冬  
衣有家室者人布四布而中衛止賞三足事例不一  
請如例賞布四疋下行在戶部覆奏從之 詔遼  
東都指揮僉事康政先是提兵官王凱奏遼寇大水  
峪田獐驛諸屯障殺軍士五十餘政畏不敢擊縱之  
遁都指揮輩真追之乃盡獲所掠政罪當治故有是  
命行在吏部言刑部右侍郎吾紳考察廣東右叅政  
商惠守已不廉怠于撫字上命黜為民 乙酉命  
順天府通州武清縣丞丞陶銓復職銓先以冗員裁

革邑民伏闕言銓持身廉潔賦役均平乞留復任從  
之 行在工部奏脩在京并通州倉及造三百萬石  
倉已摘撥運糧軍士及通州等左衛軍餘協助乞勅  
行在右軍都督府左都督陳懷同本部尚書李友直  
董後從之 丙戌夜有流星大如杯色如青白有光  
出軫宿東南行至庫樓 丁亥命彭城衛指揮使焦  
毅同指揮同知徐定常操軍馬先是本衛指揮使朱  
震等奏毅怠惰軍政令冠帶閑住至是毅自陳故復  
用之 命知州王濬著順天府東安縣事先是濬任



東安知縣以大臣會舉陞四川合州知州縣民三千  
餘人保濟廣正凌民不忍捨去故有是命。鎮守獨  
石內官韓政等奏御史吳誠數与都指揮杜衡酬餘  
上命給事中廖莊往覆之得實遂誠徵至京調陝西行  
都司副斷事且降勅責衡政等戒毋挾私忿爭以誤  
邊事。戊子貴州八州等蠻夷長官司廣西鎮遠等  
州土官趙得興等太平等府州土官李穀等永從蠻  
夷長官司四川昌州長官司各遣八貢馬賜綵幣等  
物有差。改在京蔚州衛為蔚州左衛并內外各衛

守衛該軍入京衛時行在五軍都督府言守衛該軍  
係內外四十衛官軍衛所繁多無衙門印信公文難  
以稽考請并入上二十衛收多仍令直守又萬全都  
司及在京皆有蔚州衛兩衛同名請改其一庶軍伍  
歸一官制有倫。上俱從之故有是命。少保兼戶  
部尚書黃福言四事一宝鈔本与銅錢兼使洪武間  
銀一兩當鈔三五貫今銀一兩當鈔千餘貫鈔法之  
壞莫甚于此宜量出官銀差官于南北二京各司府  
州人烟輳集處照彼時直倒換旧鈔年終解京俟旧



鈔既少然后量出新鈔換銀解京一各處鹽課洪武  
間設法閑防至為嚴密邊儲賴以濟用近年官吏懈  
怠倉鹽無積容商久候不得支給未免嗟怨宜差官  
分往運司提舉司勘實竈丁有不足者補足鹽課有  
不完者追完若有侵欺虛報之弊聽令究問一行在  
衛所軍官俸米俱在南京支給緣路遠無力運回多  
于北京賤賣與人食祿之家因而失所宜量派江南  
路遠州縣稅糧內照數估直折收銀布絹段及解赴  
北京准作軍官月俸一田賦之制自古有之未有田  
而無賦者近見南北京畿之內并各邊境水陸田地  
權豪勢要占為己業宜差官從實勘悉令報數起科  
奏下行在戶部言即今凡事務從減省若又差人出  
外未免動擾軍民待一年後議行從之 河南右叅  
政孫原貞奏北京富戶旧係江南起取者多有逃故  
等項遞來愈補不完乞令法司今後有犯死罪官吏  
糧長大戶免其運磚令抵富戶當差候其數足仍依  
原擬發落從之 巡按直隸監察御史戶鏜奏近有  
首獲私鹽二萬斤者於律私鹽給與首獲者充賞然



所獲終係私鹽難以發賣宜俱沒官照依照時直於  
所在官司支給鈔賞仍定為例從之 己丑哈見分  
等衛女直指揮脫令加等兀者等衛女直指揮速哈  
等海西乞忽等衛女直指揮阿剌虎等未屯吉衛野  
人粉甫俱來朝貢馬及方物賜宴并賜綵幣等物有  
差 命豐成侯李賢督運口外糧先是監察御史施  
度奏永寧隆慶懷來諸衛軍糧俱于宣府關給路遠  
不便監察御史吳誠亦奏居庸關守關軍糧俱在北  
京通州等倉支給往復艱難事下行在戶部覆奏請

撥軍夫于京倉關糧十萬石運赴各衛夫用上從  
之命賢督運 命愛河衛故指揮僉事福昌哈子罕  
失衛鎮撫塔里孫阿卜俱襲職 賜錦衣衛鎮撫司  
帶管百戶阮保吉房屋器皿保吉交趾人黎利判時  
嘗從官軍殺賊授前職至是復援例有請故賜之  
六科十三道劾守備宣府等處都督僉事馬昇明知  
邊墩屢報声息不嚴提督乃占操軍耕種致賊入境  
殺傷官軍虜掠人畜止令百戶等官出敵以致失机  
法司奉詔鞠當斬罪 上宥其死降為事官於遼東



總兵官凌擒賊立功 庚寅命山東都指揮僉事張  
安于神机營中軍管操先是太子太保成國公朱勇  
等舉安于馬熟閑征操羊久唯令大營管操至是勇  
等又言邊塞守瞭有備欲安令回原都司提督軍政  
不從故有是命 湖廣布政司檢校程富言四事一  
古者聖帝明王皆知天命之可畏故大而郊天响地  
以至脩政立事小而飲食起居以及燕安閒暇嚴恭  
寅畏常如上帝之鑒臨而無一息之怠忽是以君德  
脩而天眷隆享國長而傳世永伏望 皇上親近師

儒講明道德俾視聽言動皆出于正戲游藝慢不作  
表裏無間始終不渝則一德格天而萬民從化矣一  
自古創業垂統之君識見高明思慮周密其于百僚  
之邪正庶事之得失稼穡之艱難閭閻之疾苦靡不  
備嘗而歷諳之故立法創制可傳永久子孫當世守  
而不失也我朝 祖宗之法無不尽善慮恐百官有  
司或昧而不知或廢而不行乞勅禮部同翰林院來  
輯洪武以來一切旧制如官制之有定額禮義之有  
定式与夫錢幣之出入軍國之造作賞賚之造作賞



賚之有節刑罰之適中者著為定式頒示遵守則庶績咸熙而萬民服悅矣一夷狄為患自古有之若處之輦轂之下寵以崇高之位其能攄誠盡節如今日殫萬無一二忠愛勤勞如僕固懷恩尚不克終至于桀黠難馴如劉濶之儔殆不可縶教往事甚明皆足為鑒今歸順達官人官寺日累月增動以萬計固難阻向化之心亦當防未然之患乞敕兵部將新降附者量賜賚裝遣往江南衛所既省京師之糧食且杜華夏之一厲壻矣一沿邊地方東起遼陽西抵甘肅與虜接境山川險阻者固多疆場平曠者不少戎狄桀黠竊肆于侵凌邊民耕牧或厄于虜掠乞遴選大臣巡視邊塞凡戎虜出沒之地皆高其城堡深其溝塹謹其閑隘廣植榆柳虜來則林木過其列騎勢分而易剽虜去則伏兵邀其歸路勢困而易擒將帥之失机者量其功罪明其賞罰功浮于罪者薄責而不誅罪浮于功者必誅而不赦則邊城無狗吠之警將士有鷹揚之勇矣

上嘉納之

辛卯賜行在刑部尚書魏源右侍郎何文淵行在禮部右侍郎王士嘉



行在工部右侍郎邵昊行在都察院右副都御史陳  
昂行在通政使司通政使李暹誥命旧制在京四品  
以上官一考頒給本身誥命其父增祖父母父母妻  
誥命須候再考請給源等俱未一考 上命并給之  
蓋特恩也 命故通州衛指揮同知李興弟堂金吾  
左衛指揮同知王諒子加善郁子斌雷壯子昂馬壯  
子成濟陽衛指揮同知丁狗兒子木只大興左衛指  
揮使張英子信指揮同知毛金子清羽林前衛指揮  
僉事夏昇子瑄俱襲職 省內官：保陽和衛指揮

僉事並昂等死罪先是昂失机 上命總兵官斬其  
首以徇昂乃奏官保領軍巡哨遇賊不与对敵以致  
射殺官軍 上命兵部移文總兵官都督同知方政  
等覆實至是政等言昂自知失誤事机罪莫能逃却  
妄称官保不与賊对敵 上以官保見賊畏避以致  
昂等失机論法應斬曲宥其死降充兩使政等隴蒙  
俱奏姑記其罪昂等杖一百謫戍大同當先殺賊仍  
于各犯名下罰米布給陣亡官軍安葬 癸巳封綽  
竹藏卜為淨覓慈濟大同師賜以誥命 甲午增謫



天地垣山川垣二戶各十戶從行在太常寺請也增  
置赤城寺保烟墩二十二座先是以給事中朱純言  
命部移文提兵官左都督談廣等措置至是廣等言  
自龍門至獨石約二百五十餘里獨石至黑峪口約  
三百餘里若沿邊築牆挑壕工程浩大不若增置烟  
墩是以曠守從之命故嘉河衛指揮同知殷答虎  
子牙全加正千戶阿哈塔子巴失加供餼職省河  
南右叅議邢旭罪先是河南按察司僉事陳治劾奏  
旭故違詔旨催係逃戶稅糧請治其罪上命旭自

陳其寔至是旭言臣先取所勘屬逃戶四萬九千八  
百五十三戶已行蠲免其續申九萬二千三百三戶恐有  
混增意尚免糧已呈鎮守河南侍郎王位乞咨部定  
奪緣臣愚昧不即分豁失于一察查催合當有罪  
上以旭無重情者之請先祿寺丞等官董正等成  
甘肅初左副都御史吳納奏正等大肆侵盜賄以  
數百計上命械至京下獄鞠之律當贖絞至是特  
命謫之時同坐罪者自署城而下凡四十四人乙  
未命兀者衛野人阿路古未屯吉衛野人粉甫女直



人連合赤阿兒俱為木衛指揮食事巡按陝西  
監察御史曹翼奏太監王貴占種官田一百餘頃侵  
奪軍屯水利私役軍餘九百餘名又信都指揮馬亮  
老軍顧四郎亮強娶指揮妻為妾四郎凌賂冒報軍  
功乞敕該部定奪以除邊患上以鎮守官已有廩  
給何得又奪邊軍水利私役軍人種田命行在戶部  
移文悉以田地水利撥與屯軍耕種亮姑記其罪四  
郎立翼鞠治丙申嘔罕河寺衛女直指揮阿里木  
寺幹朵倫寺衛女直指揮弗郎吉寺四川山後寨番  
僧刺麻令止窩謝寺廣西思明府並永康寺縣土官  
西番巴簇寺天國師賈索寺俱遣人貢馬及方物賜  
絲幣寺物有差宥開原備禦都指揮鄒溶裴俊寺  
罪時鎮守遼東總兵官都督巫凱奏溶寺不嚴哨備  
以致達賊入境殺傷軍人虜掠孳畜請罪之上宥  
溶寺罪住俸三月其餘失机失瞭官軍執問如律  
先是刑科給事中陳樞奏廣寧前屯衛抵義州廣寧  
後屯衛烟墩隔遠難于哨備上命總兵官都督同  
知巫凱寺會議以聞至是凱寺言添設為便從之凡



添設烟墩一七十座。夜有流星大如杯，青色白有  
光出，貫索東南行，至漸臺尾跡炸散。

大明英宗睿皇帝實錄卷之十五

大明英宗睿皇帝實錄卷之十六

正統元年夏四月丁酉朔享太廟遣中官祭司

竈之神岷民王棟奏歲夫祿米一千石用度不敷

上命增二百石巡按直隸監察御史史鑑奏順天府

大興等縣附近果園宜令上林院監仍舊管領

者令保定府陽固安等州縣管領其在東安等縣三

處亦令上林院監領管上命各該官司將果園用

力培植果品時進無得欺蔽責有無於戊戌兵部

右侍郎徐琦奏考察得南直隸府州縣除治行可稱



者存由任事外其不法者凡三十人 上命行在吏  
部黜之 已亥授太寧衛達子賽因帖木兒為百戶  
阿魯台部屬達子乃塔兒引可二人為試百戶乃勒  
古完者猛寺帖木兒兀郎阿歹四人為所鎮撫時帖  
木兒寺來降 上嘉其誠故有是命 賜公侯伯都  
督太常光祿寺官及指揮千百戶樂舞生軍校厨後  
樂工等鈔有差 上始親身 太廟故也 獨召寺衛  
備禦官寧患病醫往治之 庚子安順永寺鎮寧西  
堡寧谷十二營幕後項營康佐寺長官司上官阿寵

寺遣人貢馬 絲幣寺物有差 命四長川長官司  
故長官阿壽子盧聚龍職仍管司事 擢進士高旭  
舒曠石瑁刘益金昭伯刘綱鮑暉為給事中蔣銘為  
刑部主事俱行在 復除主事蔣巽于戶部巽初以  
刺員待次于家及是召至故有是命 命陝西按察  
使孫碩致任先是碩自陳風痺還鄉療治既而復任  
又稱年邁目暗不任能事遂有是命 命行在禮部  
右侍郎王吉加行在工部右侍郎邵是行在都察院  
右副都御史陳鼎右僉都御史魯穆行在大理寺左



少卿程富巡視順天等八府陞辭賜之勅曰今命爾  
巡視各郡遇有蝗蝻生發隨即督併衛所府州縣起  
集軍民人等捕之務令盡絕以除民患不宜稍緩以  
致滋蔓往者差官捕蝗不俸朝廷恤民之心肆行蠶  
楚民受酷虐甚于蝗災爾宜深戒尤在設法使人勞  
困田不損傷庶副朕仁民卹災之意欵哉山東按  
察使虞信奏自歷城至長山鄒平益都諸縣俱無道  
運所遞年冬衣布花等物俱係民車裝運誠為難苦  
其日照等縣濤洛等遞運所十二處道路不係衝要

車夫經年空閑宜皆革去而設益都等縣青社金山嶺

白山青陽龍山類五遞運所從之忠州儒學訓導

宋廣言欲將各處儒學從祀先賢名濤位次較勘明

白刊成高本頒行天下學校永為遵守從之辛丑

陞淮府奉祠正王彪為本府古長史從淮王奏請也

行在兵部右侍郎徐希奏陝西行都司屬衛開種

地畝賦稅額重徵納不完會同行在戶部左侍郎王

佐等議宜將軍餘地畝如民田五升起科月糧仍舊

開給其屯田正軍該納餘糧六石餘丁地畝亦科如



民田及大同宣府邊衛亦且如例事下行在戶部覆  
奏從之直隸保定府清苑縣奏本縣旱蝗無收人  
民艱難逃移者九百七十三戶糧草無從追徵乞暫  
停止事下行在戶部覆實從之四川布政司奏鹽  
井衛極邊四時霜雪五穀不生乞如洪武旧制召商  
中納鹽糧底軍儲不乏上命行在戶部議行監  
察御史陳恕劾奏光祿寺卿郝郁等縱屬官凌人賄  
賂請治其罪上宥之壬寅陞廣東都司都指揮  
僉事徐貴為都指揮同知海南衛指揮僉事張玉為

署都指揮僉事行在工部奏云南車里軍民宣慰  
使司等處并日本同茅宣德年間分給信符及編置  
批文勘合底簿今改元例應更給從之行在虎賁  
右衛奏本衛并屬官原分俸糧南京關夫其間有故  
移文停夫未見面文無從查考今欲差官前去按月  
夫放有故停夫者按季回報庶無虧弊事下行在戶  
部覆從之癸卯

太皇太后聖節上率親王上壽免命嬪朝賀賜文武  
百官晏兀者前衛加納女直野人色冷哥沙刺統



哈喊哈你等來朝貢馬及方物賜晏并賜綵幣等物  
有差甲辰賜文武百戶晏行在禮部奏廣東廉  
州衛廣西太平府結納州綸安州鎮遠州思同知思  
明府各遣人貢聖節冬至表文過期而至請  
治其罪上俱宥之乙巳雲南雲南府易門縣故  
土官男王忠廣西思明府并上思州貴州安順州新  
添衛新添等長官司俱遣人來朝貢馬及方物賜  
綵幣等物有差勅叅贖軍各兵部左侍郎柴車等  
曰今達賊屢犯邊疆急用糧餉輸運艱難必須設法

以為經久之計比聞甘肅涼州等處提兵鎮守官占  
種田地侵奪水利不納稅糧軍士受苦不可勝言勅  
至尔等公同俟勘侵占田地若干頃酌量酌肥瘠起  
科納糧除量撥与原種之人耕種足用外其餘俱撥  
与屯軍耕種辦納子粒不許徇私廢公自取罪愆  
遊擊將軍都指揮僉事楊洪言所統遊騎出入巡警  
過賊輒追逐而所載皮盔不便請以碗子鐵盔易之  
庶利于馳驟上命行在工部速与之寧夏提兵官  
都督同知史昭等奏來降達子脫罕沙言達賊下刺



赤寺千餘人欲來寧夏肅掠與左少監來福率官軍  
出口哨捕領軍指揮使熊震寺于伯力沙子赤山兒  
雙山寺處遇賊對敵殺賊衆斬獲首級生擒男婦五  
十餘口獲到駝馬驢牛寺物人口解送京師

上命有功官軍照前勅行賞仍勅諭各處鎮守官嚴加

瞭捕毋使潰散餘賊復為邊患丙子賜行在禮部

尚書兼翰林院學士楊溥誥命并封贈其祖父母父

母妻命朵林山衛故指揮同知兀里帖水子台平

龍職賞畱守後衛千戶王貴寺絲段鈔貫有差以

擒獲妖賊功也行在禮部言禮部司務范銘先聞

母長匿而不舉已下法司論罪如律緣銘孝行既虧

難以復職上命降邊遠雜職行在兵部尚書王

驥先因廣西潯梧寺府桂平寺縣天籟甲寺處蠻寇

作耗攻劫鄉村官軍不敷提兵官右都督山雲寺奏

調廣東都司官軍二十人前來聽調今已羊牛軍器

衣裝損壞欲照貴州都司調來官軍事例一年一換

從之陝西行都司守備永昌都指揮胡清寺以失

机下獄先是行在兵部左侍郎柴車奏清及昌寧寨



備指揮騰暹領馬步官軍四百餘名在地孩墩遇遼  
賊四十餘人不能以十供一被賊殺傷官軍射死馬  
匹請治罪上命執問如律丁未復除戶部郎中  
馮暹余祥於行在戶部暹陝西司祥江西司調行在  
戶部員外郎丁鑑于廣東司胡本惠於廣西司主事  
侯復董和陳復劉義於各司補缺戊申日生暈色  
赤黃團員鮮明己酉賜行在都察院右副都御史  
陳鎰誥命并封贈其祖父母父母妻鎮守泚州都  
督僉事李達奏泚州係邊城宜開設醫學除授醫官

調治病者從之遊擊叅將都指揮查事楊洪奏同  
戶部員外郎羅通議得見在軍馬數多歲支糧草宜  
用樽節欲將馬軍每月止与行糧四斗月糧六斗馬  
匹每月支料一石或九斗計一月樽節糧料一千五  
百八十餘石開平衛軍馬糧料于独石等處閑夫宣  
府龍門等衛軍馬一半還衛其糧料就于本衛閑夫  
一半在營支給行糧每月更代庶得人馬無勞糧料  
省用事下行在戶部覆奏從之庚戌增設內外衛  
所知事吏目各一員專理軍政時兵部尚書王驥等



奏京衛及天下都司衛所近年以來軍士逃亡隊伍  
空缺究其所由皆因管軍官旗不知存恤百方虐害  
所至及無官旗勾取多受財賄去間有取至軍士又  
復侵擾無以生存遂復逃避緣各衛所止有經歷史  
目各一員專恤軍士不預衛所事務庶奸弊可革士  
卒安生從之 行在兵部右侍郎徐禕奏涼州各衛  
所冗軍虛費糧儲冗官怠惰軍政乞軟提兵鎮守等  
官公同選汰從之 行在都察院右僉都御史羅亨  
信奏批陝西都司行都司領軍都指揮安敬永昌等  
等衛指揮千百戶旗軍毛哈刺等告稱副提兵都督  
劉廣在邊四十餘年熟知地理夷情近因失机下獄  
乞轉奏宥免俾高自新 上以廣懷挾奸詐怠惰邊  
務去冬遇賊不殺乃迂路追逐却又妄殺報功次若  
不懲治何以示戒不允 四川重慶府知府孫曰良  
言伏覩諸司職掌在外官員三年考稱者頒給誥勅  
再考稱職者聽請封贈竊惟守令生民休戚所繫朝  
廷嘗勅大臣薦舉又歲遣御史所詢察臧否考滿課  
課最乃不蒙頒給誥勅激勸之道有缺乞仍遵旧制



頒給則人人感激盡職而人民之澤將矣 上命行  
在吏部行之 壬子行在禮部右侍郎王世嘉奏順  
天府所屬州縣缺食飢民流離困苦乞令有司量給  
口糧賑濟其黃山寺廠及運柴炭不急之役宜暫停  
止仍令所在有司於名山大川及應祀神祇所降雨  
澤事下行在戶部寺衙門履實從之 夜月生右珥  
色蒼白 癸丑命山西澤州高平縣主簿張麓復任  
麓九載任滿邑民保其廉能惠下乞留復任巡按御  
史以聞遂令復任陞俸二級 降刑部員外郎葉行

忠為陝西布政司理問主事王彥為雲南都司斷事  
以故入人死罪也 行在光祿寺奏各處歲進野味  
如麋鹿之屬多路死者其生沼者亦難調餉乞易納  
鷄鴉羊為便事下工部言此額辦之數難准易納宜  
令本處賣鈔貯庫以便取用從之 巡撫官工部左  
侍郎鄭辰奏雲南右布政使司璟於妻服內結娶再  
醮之嬖遂逮璟至京下都察院獄當杖既贖罪陳情  
乞還職 上命冠帶閑住 兵部左侍郎柴車奏鎮  
守甘肅太監王貴原帶去違官輦因不花同兀魯思



不花竊帶官馬亡叛出境泄漏邊情引賊犯邊及後  
走回貴為隱匿顯有情弊里將貴帶去同黨之人悉  
取回京庶邊患得息上以為然即勅貴勅人伴送  
以來進士蔡廣奏臣少失怙賴母呂氏撫育成立  
今母年七十久二兼患風疾無人侍奉私情日切乞  
授鄰近州縣教官以便奉母事下行在吏部覆奏  
上憫其情從之甲寅鎮守薊州永平山海等處提兵  
官都督同知王或先已奏准於所轄地方長城內每  
三里設一墩架礮過賊薄城奉火發礮傳報庶使不

能潛越今墩臺二百餘里已完請給用信礮  
上命行在工部与之行在戶部言萬全都司奏會同  
戶部員外郎羅通議赤城雲州鵬鵠等堡地臨邊境  
官軍本為守禦而設若使運草馬營深慮有警無措  
今遊擊將軍楊洪所領旗軍俱丁多有力之家其餘  
丁別無差遣乞令採積秋青草束以備餉糈請如其  
議從之已卯高宝司卿張信奏行在光祿寺廚役  
人等失落銅牌數多請治其罪上以失牌俱在赦  
前姑宥其罪 辰月犯牛宿 丙辰陞山西行都司



署都指揮僉事陳斌為都指揮僉事提督邊備調雲  
川衛指揮使曹安于陽和衛領軍巡邊斌以大同總  
兵官都督同知方政奏其歷練老成勇畧出衆故陞  
之 丁巳烏思藏刺麻鎖南劄寺四川東川軍民府  
已故土官知州弟普得遣人貢馬及方物賜綵幣等  
物有筮 賜晉王美圭第八弟名曰美煬長子曰鍾  
第二子曰鍾擇第三子曰鍾鏞鎮國將軍美博之子  
曰鍾錄 封歸王冲域庶子五人長範地為開成王  
次範暨為通渭王 命故廣平侯袁禎弟瑄為長陵

衛指揮僉事食俸不任事瑄故駙馬都尉容之子容  
尚永安公主又以請難功封廣平侯比卒子禎襲職  
卒請襲其爵 上曰禎公主所生故得襲侯爵瑄庶  
出不應襲但為念親 命世襲指揮僉事以奉公主  
之祀 命天全六番招討使司故百夫長楊銘孫威  
高显端弟顯彰俱襲職 行在禮部尚書胡濙等奏  
西番禪師結尾端竹星吉言本地聽善進貢人戶進  
移異地以避賦役 上賜勅諭赦其逃避之罪俾各  
復業 湖廣布政司照磨所檢校程富奏衡州府衡



山縣古有南嶽廟年久滋敝有失現瞻請設道士及  
佃戶脩整事下行在禮部覆奏因言五嶽五鎮四海  
四瀆事同一體俱合用道士或十名或五名每廟二  
戶四戶灑掃供役仍令該管府州縣官時加巡視以  
稱崇祀之禮從之 戊午安南國叔署國事黎麟以  
宣宗皇帝賓天遣使黎寵等進香以 上新登宝座  
尊 聖祖母為太皇太后 聖母為皇太后各遣使  
進表及方物稱賀賜宴并賜綵幣等物 勅都察院  
右僉都御史李儀今命尔巡撫宣府大同提督屯種

及各倉場料草等項撫恤軍士扶植善良若內外官  
員及私豪執力要之人有侵欺盜賣糧草及阻撓屯種  
等項者其實奏聞務俾糧廩充實軍不失所尔尤須  
公正廉潔勤謹詳明無暴無刻庶副委任之重苟或  
不謹罰及尔身悔將無及欵哉 點浙江都指揮徐  
政為遼東衛鎮撫政初任錦衣衛指揮僉事陞都指  
揮備邊關原畏懼敵邊遂棄所守假托奏事至京監  
察御史楊仕敏等被旨劾之且及其署事錦衣時冒  
遣軍士詐取財賄之罪下法司鞠問律當斬至是宥



死黜之。鎮守肅州都督同知王貴奏肅州極邊  
達賊不時出沒見有阿台朵兒只伯糾衆犯邊本衛  
軍馬不足調用乞于甘州摘撥官軍前來哨備庶得  
萬全。上命甘州提兵鎮守等官量撥馬隊官軍往  
守備仍令放回肅州衛取到官軍及見調在甘州入  
伍操備者無得暫回。初寧夏提兵官都督同知史  
昭送來降子達脫罕沙至京言阿台王子被甘州大  
軍及萬戶不剌哈赤等逐散止有五百餘人欲往尋  
朵兒只伯又來犯邊兵部以聞。上封其奏示鎮守

山西右都督李讓是臣讓等奏乞降榜文請邊招撫  
倘不歸附設法勦捕。上命行在兵部移文讓等只  
宜讓守邊陲俾達賊不敢侵犯若欲出榜招撫及設  
法擒捕恐非良策。時監候未結因多命法司錄取  
情詞以聞遂宥死罪情有可矜者二十人各杖一百  
編發充軍擺站。己未賜晉府永和王府儀賓李玘  
王瑛呈亮誥命冠服鞍馬等件。命直隸河澗府滄  
州判官胡信復任先時前任判官傅閏任滿以信代  
之州民保閏復任既而閏陞遷去任民復保信故有



是命 賜西洋陣亡都指揮僉事霍讓等祭 點遼  
東都指揮僉事康政為二事官立功贖罪 點萬全  
都指揮僉事汪貴為為事官時都督李譔奏胡虜入  
掠而退遺有米麥貴取以自私又逼軍士代償請治  
其罪 上命黜其官令立功贖罪 陝西西寧衛奏  
本衛召商開中緣糧益連年旱災糧價騰湧乞減則  
例事下行在戶部覆奏併莊浪涼州甘州肅州臨邊  
缺糧衛分一体減輕中准酌益者西寧莊浪衛每引  
三斗涼州甘州肅州衛每引二斗五升中靈中益者

甘州衛每引三斗五升涼州衛每引四斗從之 庚  
申罷恭順侯吳克忠及公侯伯都督馬匹草料  
上以百姓連年供給艱難恭順侯任久成家公侯伯都  
督享有厚祿且俱無事征伐其馬匹草料悉停罷以  
蘇民用 行在工部奏遊擊將軍楊洪言所統騎卒  
分屯關平赤城要害時有達賊入夜窺覘虛實用鐵  
蒺藜布營外地賊每見傷輒捕獲之甚利邊用乞增  
鑄以給從之 寧夏提兵官都督同知史昭等奏先  
奉勅云寧夏達官指揮韓當道驢有馬二千餘匹牛



羊一萬餘頭在哈刺兀達兒者克等處草地牧放及  
靈州千戶所達軍別黑的等家馬多者千餘匹少者  
七百匹牛羊動經萬計俱在花馬池地等處東山一  
帶草地牧放有馬達二軍餘就于各山居住至冬又  
不拘入營堡祇恐私通外境透泄邊情或引賊入境  
虜掠令臣等體寔明白如果于邊務無碍聽其牧放  
如或有所妨即公同計議斟酌區處臣等欲先將當  
道驢同弟鵬取赴京師量加陞賞就前隨侍後將家  
口起送隨住別黑的恭仍令照舊進馬以減其力

上命勿動其進馬如舊左軍都督同知吳也見克台  
奏臣無草場牧放馬匹聞灤縣路村官地無人管業  
乞賜牧放奏下行在戶部覆奏於三河縣空閒草場  
撥與二百五十畝從之辛酉秦府堡安王志垌薨  
王保安懷禧王庶長子母趙氏永樂八年生十九年  
襲封保安王至是年二十有七訃聞上輟視朝一  
日遣官賜祭謚曰悼順命有司營墓巡撫雲南工  
部左侍郎鄭辰奏按察司僉事龍齠不諳刑名難任  
風紀上令冠帶閑住壬戌任在戶部左侍郎王



佐奏遼東宣府大同甘肅等處徃三奏缺馬騎操走  
遞乞將五軍各都司衛所大僕苑馬寺直隸各處馬  
匹通查見數會官定額之外之數給與騎操走遞事  
下兵部議馬之消長蓄耗不一太宗文皇帝常秘  
其數不使人知今豈敢核定其額宜仍舊令軍民領  
券官較孳牧以備國用從之癸亥擢進士王弼為  
戶科給事中李詢禮科給事中鄭悠兵科給事中候  
臣宋雍刑科給事中邵來李蘇肆祝進趙迪戶部主  
事項文耀兵部主事三淵張用瀚譚溥刑部主事范

琮工部主事罷湖廣右叅政朱毅四川右叅議石堅  
為民俱以鎮守大臣者其年老柔懦故也甲子琉  
球國中山王尚巴志遣使來朝貢馬及方物賜晏並  
賜綵幣等物有差命浙江布政司右叅議彭璟致  
仕先是巡撫戶部右侍郎均成考璟政声未著例應  
別用至是璟以任內績狀自陳故有是命復設陝  
西涼州等衛鎮羌大通山口二驛先是行在工部右  
侍郎羅汝敬奏二驛水草不利章去至是太保寧陽  
侯陳懋奇請復設從之陝西右叅政年富奏摠兵



及羊深都指揮等官位高祿重各保身家不肯委身  
効職欲求如楊洪者二三人授以精兵聽其縱橫遊  
擊俟其功字于人然後陞職庶几賞賚明信奮起人  
心訪得都指揮馬驎字宗驍勇善戰子馬優閑可以  
兵事屬之事下行在兵部會議覆奏請移鎮守官公  
同訪博果有驍勇善戰智略過人如洪者不拘職事  
大小量其才之高下或令領軍巡邊或委統兵哨備  
遇賊相機勦捕有功具奏陞賞從之 巡撫陝西行  
在戶部右侍郎李新奏河南陽府鄧州內鄉等州

縣及附近湖廣均州光化等縣居民鮮少郊野荒蕪  
各處客商有自洪武永樂間潛居于此娶妻生子成  
家業者叢聚鄉村號為客朋不當差役無所鈐轄慮  
其為非乞命都布按三司躬親驗丁入籍撥與絕戶  
荒田耕種納糧當差仍移文原籍勘實有係逃軍逃  
匠者即便拘解事下行在戶部覆奏從之 乙丑山  
東巡按御史任敬敏叅議杜子良副使杜時僉事楊  
潤俱有罪下獄初山東鄉試訓導江振為廉外官受  
士子賂代為答策考試官教諭朱絳亦受賂托彌封



官易卷事覓刑科給事中賈銓等劾奏敬敏等監試防範不嚴之罪上命都察院逮敬敏等下獄鞠之逮掌陝西寧衛都指揮僉事穆肅下獄先是西番把沙簇思俄可盜得阿吉簇善馬肅遣八索之不得會思俄可驅所畜鬻于邊肅遂以盜誣之收掠思俄可致死番族惶駭嘯聚邊境騷然都指揮李文奏之給事中御史交劾肅罪詔械肅至京鞠之

大明英宗睿皇帝實錄卷之十六

大明英宗睿皇帝實錄卷之十七

正統元年五月丙寅朔陞右春坊右庶子沈燦為行在大理寺右少卿仍于文華殿書辦以九年任滿故也巡撫大同宣撫行在戶部右侍郎李新以病告回未幾稱病少愈故理部事禮部尚書胡濙以聞上以新既託疾避難豈可復理部事不從丁卯賜衛府長史等官旗校人等四百六十一人鈔有差以衛王往祭孝陵還有隨侍之勞也遣內官賚送新編勅符簿于代慶寧周楚魯蜀肅瀘遼韓唐伊鄭襄



荆淮梁趙秦晉靖江二十二王府各一扇仍賜各王  
書以易世紀元更屬稱換年號也 命故陝西都指  
揮使盧育子英襲為指揮使府軍前衛帶俸署都指  
揮僉事馮鈺子愷襲為指揮僉事金吾左衛指揮同  
知雲鑰不花子八十羽林前衛指揮僉事朱銘子興  
燕山左衛指揮僉事王玉子謙府軍衛指揮僉事王  
冕子銘金吾右衛指揮僉事任得子禮俱襲職陝西  
行都司都指揮同知印鐸子福都指揮僉事朱斌子  
玉俱為指揮使山東都司都指揮僉事朱忠子信為

指揮同知金吾左衛指揮使劉青子貴指揮同知朱  
旺從弟文俱代職 行在左軍都督同知吳也兒克  
召病篤命太醫院調治 省陝西行都司都指揮同  
知包勝罪勝守涼州莊浪二衛不嚴督所部致賊入  
城虜掠人馬詔巡按監察御史曹翼逮鞠之坐勝當  
戍邊 上曰勝于法本難恕姑宥之母得仍蹈前失  
逮廣東按察使陳禮下刑部獄以巡撫寺官劾其貪  
婪急政故也 行在兵部奏胡寇孛兒只伯犯肅州  
新城營殺傷官軍二百七十八擄掠人畜兵甲無算



都督同知王貴鎮守肅州寇至不能折衝及退不復  
追勦堅壁不出玩寇失机請正其罪上以貴在邊  
年久姑記其罪如仍怠誤必真于法甘肅左付總  
兵左都督任礼甘肅操備官軍五千人缺都指揮統  
領陝西都指揮曹敏楊得青近調甘肅備禦乞委統  
領從之戊辰巡撫遼東左僉都御史李濬言遼東  
都司所屬地廣衛多事冗訟繁雖有御史按歷下周  
乞于山東按察司定委廉幹堂上官一員分按遼海  
東寧道庶邊務悉奉訟獄無淹從之又奏御王濬給

事中陳樞日逐廩給逼索糶米驛夫供以粟米則杖  
之不受風聞散給各衛易貂鼠皮高麗布等物巡按  
御史邵嵩章果朋奸蒙蔽不行糾拿俱宜究問  
上命行在刑部鞠之已巳行在戶部奏通州天津等  
衛軍士冬衣布花俱于京庫關領回衛給散往復人  
難宣將山東等布政司直隸府州縣運到夏稅等項  
折徵綿花量撥各衛收貯以備賞賜庶得軍民兩利  
從之丁未初巡撫陝西行在戶部右侍郎李新奏寧夏  
寺衛歲收稅糧草束俱被杖豪勢要官舍軍旗人等



攬納通同官攢軍斗虛出寔收以致軍士月糧乏夫  
令布按二司佐二官与欵差主事公同收夫如有作  
弊者即為違治至是行在戶部覆奏從之 行在禮  
部奏四川東川軍民府通事阿澤阿羅二人阿慈廣  
西鎮南府頭目黃嶸馬駿賈進 聖節冬至正旦表  
文俱失期後至請治其罪 上皆宥之 山東右叅  
政刘璉言二事一萬全都司屯田糧田有定數今常  
屯都指揮或于軍餘名下科徵或扣月糧皆無定數  
以致軍士不得食用逃亡者多乞令今後務要以時

耕種子粒一萬全都司屬衛官員食米一石于宣府  
官庫折關青紅苧布經歲不得致使千百戶因而尅  
減軍糧乞就本處倉分開米便益奏下行在戶部覆  
奏仍行巡撫右僉都御史李儀提督從之 庚午端  
午節賜文武百官扇及宴 陞肅州衛指揮使胡麟  
為陝西行都司都指揮僉事同都督王貴鎮守肅州  
兼掌衛事時署都指揮任啓奏貴失机宜更委鎮守  
兵部推麟屢著奇勲熟知邊務故擢任之 命寧夏  
總兵官都督同知史昭子鑑為寧夏衛指揮僉事昭



自陳衰老乞以鑑代職上以昭老成胡虜素畏不  
允其退乃官鑑俾侍昭諫湖廣瀏陽縣翟家寨巡  
檢司以巡撫侍郎吳政言其山高地曠路通江西賊  
盜出沒不時故也迤北達子把秃兒等男婦四口  
來歸賜衣服等物安插如例辛未泰寧等衛指揮  
同知伯姓等稟願等衛指揮僉事伯顏帖木兒等并  
廣西都結州土官知州農永隆遣人俱來朝貢馬及  
方物賜晏并賜綵幣等物有旨陞巡按陝西監察  
御史曹翼為都察院右僉都御史敕之曰爾在甘肅

整飭邊務愛恤軍士不畏权势知無不言朕甚嘉之  
今特陞爾為都察院右僉都御史賜織金紵絲衣一  
襲仍命爾于甘州等處提調兵備比較屯種務在區  
畫有方人不旁擾凡有官吏酷害軍士占種田土者  
依法懲治壬申罷脩兩京冰池窖先是禮部奏今  
年藏冰欲照旧例于內府關領夫牌鎖鑰起夫脩理  
池窖并上問行在禮部尚書胡濙等曰南京每歲何  
處用冰濙等奏南京祭祀止有孝陵懿文陵及歷  
代帝王廟三處秋祭之時該用冰四十桶上以南



京內官監已有藏冰令閏用之仍令兩京冰地冰窖  
俱不必起夫脩理用水俱于內官監取給庶不擾民  
行在戶部奏查得天下府州縣教官夫俸不一教  
授俸米五石季正米二石五斗教諭訓導米二石有  
全夫本色者又有減半者惟雲南俱夫六斗北直隸  
全折鈔請定為一例上曰雲南北直隸其夫米一  
石餘俱全全夫湖廣布政司照磨所檢校程富請增  
小例俸以眷其廉奏下行在戶部議各處官員俸給  
洪武間已有定例惟北直隸府州縣寺衙門文職官

員及軍衛首領官因缺米全折鈔實宜與本色米一  
石從之癸酉敕甘肅左副總兵都督任禮寺曰去  
冬胡寇遁去朕已計其必來及來降胡嬭言狀朕計  
此賊誘我出師耳屢敕爾等戒嚴而爾等畧不加意  
輒領兵東行賊果自西來寇肅州皆爾見小利而忘  
大計至此雖悔何及曩賊奔遁之時滅之反掌耳而  
奸人劉廣故意遂巡縱之出境廣既失計復敢欺誑  
于法不可容已執其父子下獄輿論稱快爾等與廣  
同事不察其奸而從其議是致東出無功而肅州大



創賊既得志而去復來必矣此賊不除則士卒之苦  
轉運之勞將何時而息耶尔等宜夙夜竭忠以厲士  
心以飭邊備俾賊來無所得去有追襲之惧庶稱委  
任信烏思藏大宝法王遣刺麻嶺南劄哥來朝貢馬  
及方物賜綵緞絹鈔僧衣靴襪有差 甲戌占城國  
王遣使逋沙怕濟閣等貢金葉表文來朝賀及貢方  
物賜宴并賜綵幣等物有差 柔顏衛都指揮哈刺  
哈孫遣人來朝貢馬因請使臣賚敕往諭 上曰若  
遣使臣恐生邊釁但以敕令來使賚去 乙亥有流星

大如杯色赤光明出亢宿東南行至濁 乙亥以蜀

僖王友堽大祥先期遣官往祭

增設山東濟南府

知府博佐請也

福建古田縣

知縣張昱奏各處水

馬驛丞及遞運所大使俱以獨員署事宜今九年將

滿預請吏部選官交代任俸理事俟代者至方許給

由事下行在吏部請如所言從之

丙子遣官持節

兩封西域兵馬副指揮王綱女為慶王第五子岐山

王秩煉妃

命貴州都指揮

餉勇

鎮守普定等衛提督

操練選官軍一千人隸之從巡按監察御史陳嘉謨



言也

丁丑

一十八

卷八

禮部

禮部

禮部

禮部

禮部

仁宗昭皇帝忌辰遣官祭獻陵起復山東付使王  
憲仍專方巡遼東初襄陵王奏安惠王墳園守墳  
典伏王隆遇清明節本府祭畢輒私歛校尉銀鈔重  
辦祭祀上命禮部定議禮物給官錢夫買至是禮  
部奏請每歲六祭每祭年豕各一香四兩燭十二对  
帛一段果五品酒二瓶永為定例從之河南衛輝  
府胙城縣知縣周賢陞俸一級主簿馬傑等各賜鈔  
六百貫練緞一表裏以捕獲妖賊功也減在京諸

寺番僧先是番僧數等曰大慈法王曰西天佛子曰  
大國師曰國師曰禪師曰都綱曰刺麻俱係光祿寺  
夫持有日夫酒饌一次二次三次又夫廩籩者有但  
夫廩籩者上即位之初教凡事皆從減省禮部尚  
書胡濙等議已減去六百九十一人相繼回還本處  
其餘未去者命待正統元年再奏至是濙等備疏慈  
恩隆善能仁寶慶四寺番僧當減去者四五五十人  
以聞上命大慈法王西天佛子二等不動其餘願  
回者聽不願回者其酒饌廩籩令光祿寺定數与之



工部左侍郎鄭辰等奏考察得雲南按察司僉事  
陳文質有疾不勝其任事下行在吏部覆奏

上令冠帶閑住行在兵部尚書王驥廉得遼東總兵  
官巫凱貪淫暴虐十有五事以聞請究治之

上以凱在遼東屢效勤勞况其事風未寔姑宥之令凱  
自陳自今文武官有過必詢察僚庶諸人得寔方許  
奏聞若偏詢誣毀罪亦不貸日生暈尔左右珥天  
生背氣一道色青赤鮮明戊寅命大同後衛指揮  
僉事潘興為署都指揮僉事統領大同備禦神銳以

搃兵官方政奏大同神銳三千缺官搃領故也 敕  
諭淮府長史審理紀善寺官曰朝廷建設王府官屬  
以輔導親王安輯百姓近巡按御史奏本府教授鄭  
良寺官及軍校人寺与民爭住房屋民被逐出長史  
宋濟審理鄭勗寺為校尉葉子敬犯夜啓王杖死軍  
人三名又奉南承奉令軍餘張斌寺招引外縣逃民  
三十餘家種田皆屬違法奏請提問朕念王為國家  
至親姑宥尔寺之罪爾寺自今宜上体朝廷親之  
心改過遷善無累王之令德凡府中内外官員及軍



校人等所行違法並瀆啓王究治如其恃頑不悛具  
寔奏聞 敕甘肅付提兵左都督任禮寧夏提兵都  
督同知史昭等曰比者胡寇阿台等潛居近邊覘我  
軍虛實譎詐萬狀又聞尾次脫歡部落亦有与之合  
者皆不可不為之備况賊利連戰不可輕率以墮賊  
計大抵軍旅之事善謀為上博採衆志厥功乃集古  
之良將皆然若偏執自用能不敗者鮮矣尔等戒之  
敕諭雲南都司布政司按察司及巡按監察御史  
曰尔等具奏會審過真犯死囚二十九名朕已備悉

其罪敕至即再會官公同審寔果無冤枉依律決處  
蓋人命至重法貴當罪其中或有冤枉者即與審理  
明白當放者就發回復業不許徇私羅織其罪以取  
已便尔等切宜体朕欵恤之心詳慎審錄勿致下人  
誣周寃柳以取罪愆欵哉 賜甘肅副提兵左都督  
任禮兵部左侍郎崇車襲衣白金絲段有差 日生  
左右珥色赤黃鮮明夜金星與火星相犯在井宿  
癸未行在禮部奏廣東欽州灵山縣三丞楊暉廣西  
太平府都結州頭目農廣賁進 聖節冬至正旦表



文俱後期而臣請治其罪。上皆宥之。乙酉罷廣西布政司右叅議胡永成爲民以巡撫寺官劾其貪虐故也。減湖廣沔陽州景陵縣歲辦紵絲三十四疋方八十張箭三萬六千枝弦四百條至是以人戶消耗各減之一。行在戶部奏巡撫侍郎于謙移文稱山西絳州不當衝要又無軍衛每歲存糧不過二三百石又稱溝縣稅課司原額課鈔歲不及六千貫此寺倉司衙門非惟攢斗級巡欄俱曠職後又無俸祿供給寺項徒爲煩擾各處亦有若此無軍衛而設

倉分歲收糧不及五千石稅課司司收鈔不及五萬貫者俱如減省事例裁革從之。免行在吏部尚書

郭進戶內軍後時進自陳家例保定左衛戎伍乞恩蠲免故有是命。丙戌嘔罕河衛女直指揮古巴柰

雲南景東府把事姜崐尋甸軍民府把事男楊恕楚雄府把事王祇廣西惠州土官知州黃智并太平府左州俱遣人來朝貢馬及方物賜晏并絲幣寺物有差。丁亥迤北達子孛羅不花迤西達子脫罕沙寺來歸賜房屋衣服寺物安插居住。十三道監察御



史李輅言十事一文武百官每日朝參及過節行  
禮多有不循禮法縱橫往來嘻笑自若或囑托公事  
議論是非或於外朝見辭官員班內與親識講說事  
情及至立班多不依品級揜越班次又有將帶家小  
朝房住坐者乞從監察御史鴻臚寺具奏究治一內  
府各門守衛官軍縱令無牌面旗校軍匪人寺穿走  
甚至挑行李酒食寺物出入畧無忌憚其守衛官軍  
有帶牌回家及在街遊蕩者門下止有二三人或立  
或卧又有不候交班輒去者乞差御史巡視究問一

上直將軍多有懸帶金牌私自回家歇因而糾合盜  
賊遇開朝門混同執入乞行都察院禁約錦衣衛點  
視一五軍各衛所管事官員止是清晨到衙畫押公  
座隨即回家其首領不敢奉覺以致案盈積事務廢  
弛甚至在外挾妓飲酒賭博遊蕩乞嚴加禁約如仍  
前故違許首領官指寔奏聞一近年在京官員多有  
政事無聞聲奉不加年老殘疾尸位素餐者甚至奔  
競希求進用者堂上官又近侍官取自上裁黜陟  
其餘乞考試能否奏聞黜陟一在京文武百官多有



僭服麒麟等項花樣有五品亦繫金帶又有五品以下令人引道虛張聲勢越禮犯分乞聽御史鴻臚寺官具奏治罪一監察御史凡遇巡按必引于御前點差近年各衙門錢糧造作一應事務不能完者輒具奏擬差代為理辦甚非所以重風憲也乞敕今後果有緊關重事必須御史督理者具寔奏請不許仍前差委一五城兵馬不務巡視街衢捕獲姦盜點視更舖緝訪事情却乃縱令弓兵在衢羅織生事強取朱果蔬菜等物乞行錦衣衛巡視逮治一北京周子監

教官多有學術空疎不堪儀範以致學規廢弛生徒失業乞會官考察及廟廡堂房風雨損壞乞撥人脩理一京師寺觀有逃軍囚匠人等私自簪頭為僧道者有因不睦六親棄背父母夫男公然削髮為尼者又且不守清規每遇朔令節望於寺觀傳經說法誘引男婦動以千計夜聚曉散傷風敗俗乞敕都察院禁約一上命廷臣會議頗采用之 戊子宥行在通政使司左通政李亨等罪時廣東寧遠縣驛丞奏疏內夾帶字帛亨等失于奏宥給事中吳信等覆奏請



治其罪。上命姑宥之。司禮監內使范聽奉命往  
廣東盤進貢方物，因而索取民白金線紬等物，事覓  
追贓入官，付錦衣衛監禁。已而宥之。寧夏總兵官  
都督同知史昭奏虜寇數騎犯石空寺堡，殺旗軍四  
人，掠其牛畜百戶。張弘追反之，戰死。其都指揮同知  
陳忠指揮李彛林、英千戶張琮等守禦不嚴，請治其  
罪。上宥忠，罪責彛等死罪，狀停俸三月。如旧哨備  
仍各進米十石給弘等家。禮科給事中李性奉命  
祭中嶽嵩山之神，還奏河南自冬徂春，雨雪不降，土

燥，麥枯，臣祭甫畢，陰雲即布，甘雨三日，咸敬舞稱慶。  
今本廟兩廡及墻垣神厨牲房俱頽，額踈漏，乞量加  
脩理。從之。己丑，賜唐府魯山郡王、河內郡王誥命。  
伏及儀賓郭嚴、張鉉，誥命冠服鞍馬。存田工匠一  
百四十一名，初工匠休蓄，以往來跋躐，因潛住京師，  
事覓令兵馬司逮捕，皆畏罪自陳，願赴工所。上允  
之。今後有此等自陳赴工者，一体存留。曉刻東方  
有星大如鷄，彈色青白，尾跡有光，後有三小星隨之。  
南行，至游氣中沒。庚寅占城國正付使逋沙怕濟



閣寺陞辭命賚敕諭其王曰王能敬天事上在我  
祖宗臨御之時恭脩職貢益久盖度朕今嗣位王又  
遣使朝貢眷茲勤誠良可加尚近者暹羅國使臣奏  
宣德四年本國差使臣同番伴男婦一百餘口駕船  
載方物入貢至王國新州港口被國人拘留宣德六  
年朝廷下西洋官軍二人餘十乘船值風飄到王國  
地方亦被拘收勅至王即將原留暹羅國人口方物  
及下西洋官軍盡數放回使彼此人民各得遂其父  
母妻子完聚之願王亦長享安樂否則天地鬼神必

有所不容者王其省之体朕至懷仍賜王及妃粧花  
絨錦織金紵絲紗羅練緞各有差都察院左付都  
御史吳納奏南京小官有月支本色米不及二石一  
石者故其口食多有不給雖有廉恥者亦不免假貸  
以給日用乞為增添奏下行在戶部覆奏上以即  
今民困其姑緩之降行在戶部右侍郎李新為廣  
東番鼎縣知縣初新巡撫陝西不理政事耽于逸樂  
及命巡撫大同宣府又畏避稱疾不行閣改差僉都  
御史李儀已去方面至京又不奏請核自到任行在



吏部劾新欺詐不忠下都察院獄鞠罪當戍邊上  
從寬宥之遂有是命 壬辰行在都察院右都御史  
顧佐等奏考得監察御史傅誠毛宗魯邵嵩王濬胡  
正陳懋陶鏞俱素行不立秦瓌邵宗章果李縉俱法  
律不通張璘盧玩張慶邵新俱老疾不任事 上命  
素行不立者為民法律不通者降黜老疾者致仕因  
敕佐等曰御史中有嘗犯職罪及暴酷枉人死者尤  
宜一體黜降其餘各衙門屬官有不才及任不事者  
悉從堂上官各即用心考察具奏但有徇私容隱者

聽見任御史奉劾以憑降黜古云無曠庶官卿等其  
悉朕意 添調提設學校官員先是少保兼戶部尚  
書黃福言近年以來各處儒學生員不肯熟讀四書  
經史講明義理惟記誦旧文待開科入試以畜倖中  
今後宜令布政司按察司官半年一次遍歷考試庶  
得真才下行在禮部會官議每處宜添設按察司官  
一員南北直隸御史各一員專一提調提學校至是  
行在吏部會官奉保兩浙監運副知胡軫為副使廣  
西鬱林州知州劉胤監察御史薛瑄高超工部郎中



高志吏部主事歐陽哲脩撰王鈺編脩琉檢討陳璉  
康振國子監李正莊觀俱為僉事湖廣布政司檢校  
程富福建寧府李教授彭勗為監察御史分行提  
調軫浙江軋湖廣瑄山東超福建志山西哲河南鈺  
江西琉廣東璉廣西振四川觀陝西富北直隸勗南  
直隸陞辭賜敕諭之曰朕惟國家致治在于賢才賢  
才之成本于學校帝王相承之盛典也朕自臨御以  
來倦于此而所在有司率不究心苟具虛文用應  
故事如此而望成賢才致治化其可得乎今慎簡賢

良分理學校特命爾等提督各處儒學夫一方之學  
樞於汝是一方之師係于汝矣率而行之必自身始  
必自進其學而後有以諭人必自飭其行一端而  
後有以表下學有成效惟爾之能不然惟爾弗任爾  
其懋哉所有合行事宜條示于後其敬承之一學者  
不惟讀書作文必先導之孝弟忠信禮義廉恥等事  
使見諸踐履以端本源一事貴實李比來習俗頹敝  
不務實得于已惟記誦旧文以畜僥倖今宜革此弊  
凡生員四書本經必要講讀精熟融會貫通至于各



經子史諸書皆須講明時常考試勉屬庶幾將來得  
用不負教養一學者所作四書經義論策等文務要  
典實說理詳明不許虛浮誇誕至于習字亦須端楷  
一學校無事皆由師道不立今之教官習否不齊先  
須察其德行考其文學果所行所學皆須善禮待之  
若一次考驗學問踈淺姑具戒勵再考無進送吏部  
黜罷若貪浮不肯顯有實跡者即具奏逮問一學校  
一切事務並遵依洪武年間卧碑不許故違一師生  
每日坐齋讀書及日逐會饌有司食与膳夫不許違

悞缺後一生員有日廩六年以上不諳文理者悉發  
充吏增廣生入學六年以上不諳文理者罷黜為民  
當差一生員有關即于本處官員軍民之家選考端  
重俊秀子弟補充一生員之家並依洪武年間例搜  
免戶內二丁後一所在有司宜用心提調學校嚴  
束師生教讀不許縱其在外放蕩為非學校殿堂齋  
房等物損壞即量工脩量若推故不理者許指寔移  
文合于上司以憑降黜一遇有軍民利病及不才官  
吏貪酷害人等事干奏請者從寔奏聞一有軍民人等



訢告寃枉苛事許受其詞狀輕則發下衛所府州縣  
從公處置重則送按察司提問一科奉本古者鄉奉  
里選之法近年奔競之徒利他處學者寡少往往赴  
彼投充增廣生員詐冒鄉貢應試今後不許一提調  
學者如有貪淫無狀許巡按監察御史指寔奏聞一  
遇有衛所學校一體提調武職子弟令其習讀武經  
七書百將傳及操習武藝其中有能習業者聽  
癸巳賜迤北達子沙哈巴子火者阿力在京居住授  
沙哈巴子試百戶火者阿力試所鎮撫於錦衣衛帶

俸賞織金襲衣米鈔絲緞綿衣靴鞋牛羊柴炭有差  
仍賜房屋器皿命陝西行都司送其家屬完聚直  
隸保定府祁州知州余徽猷瑞麥三岐一本兩岐八  
本甲午陞濟南衛指揮僉事鄧瑄為指揮同知濟  
南府通判王靖加俸一級副千戶嚴禮提旗郝孫見  
等陞賞有差以獲盜功也行在工部奏鎮守密雲  
都指揮僉事陳亨言密雲中後二衛閱損軍器漫不  
知數若俟奏聞恐妨邊用請以北京戊字庫弓箭并  
各局盈甲先令賣去其餘仍候勘寔隨數給還從之



乙未以建孝陵神功聖德碑工畢賞管領官各絹一匹蘇木二斤工匠各綿布一疋胡椒一斤 陞行在刑部郎中謝莊為陝西、安府知府給驛赴任時莊守制家居以大臣廷奉取至故有是命 行在刑部尚書魏源等言考得本部郎中吳聘潘錫李弼員外郎徐昂俱衰老主事朱瑄徐高俱不習法律

上命老疾者致仕不習法律者黜降之

大明神宗睿皇帝實錄卷之十七

大明英宗睿皇帝實錄卷之十八

正統元年六月丙申朔四川長河西高刺麻番僧羅葛囉藏卜等赴京朝貢賜之敕曰尔能敬承天道恭事朝廷忠順可加今特頒勅護持尔脩行其附近衛所官員軍民人等毋得侵擾遠者不宥 山西布政司奏起運宣府折糧綿布二十五萬匹跋涉遠險載運艱難請量減之又本司該存苗賞賜冬衣綿布二十五萬匹內因人民艱食停免數多請將起運布匹俱存本司奏下行在戶部議起運宣府折糧綿布



宜聽存田十五萬匹賞賜冬衣綿布宜於起運萬全  
都司綿布内存田十五萬匹夫從之 丁酉賜秦府  
鎮國將軍志垣志塢誥命冠服器物 脩左右闕門  
及左右長安門以年深瓦甃損壞故也 復淮王府  
為韶州府治初建淮王府即韶州府治為之至是改  
遷淮王府於饒州故命韶州府復旧治 行在吏部  
尚書郭璉等言考得各屬郎中員外郎主事評事等  
官徐謚等八員有疾楊崇等七員年老張斌等五員  
行檢不飭陳善肅昭不習法律 上命有疾者冠帶

閑住年老者致任法律者調外補行檢不飭者罷為  
民 減天下府州吏時河南光州知州楊昇言本州  
官員旧已裁減而六房司典今尚備設乞每房止存  
司吏一名典吏二名事下行在吏部請如昇言宜通  
行天下裁減從之 日上生背氣色青赤鮮明 戊  
戌光祿寺奏歲收應天府龍江河泊所送納彙魚並  
無支銷年久多腐驗視堪中魚一千八百斤請送國  
子監師生會饌支用從之 湖廣辰州府沅陵縣奏  
本縣人民多因陪納稅糧克軍為事貧乏將本戶田



產典借富人錢帛歲久不能贖產去稅存衣食艱難  
欲令貧民自陳其寔官為給價取贖事下行在戶部  
覆奏從之 巳亥命故廣西都指揮僉事霍讓子齡  
掌府軍前衛事都指揮僉事張玉子義俱襲為指揮  
同知羽林前衛指揮使張敬子雄指揮僉事李義弟  
剛金吾左衛指揮僉事八答哈子鬼里赤莊家姪孫  
頭燕山前衛指揮僉事不士人弟五十濟州衛指揮  
僉事阿魯帖木子姪五十俱襲職府軍衛指揮使陸  
讓子廣羽林前衛指揮僉事王通子成通州右衛指

揮僉事李讓子忠俱代職 行在禮部尚書胡濙奏  
會同國子監祭酒貝秦司業趙琬考得本監博士助  
教寺官汪奉寺七員俱老疾楊貞寺五員學行迂踈  
不勝表率 上命老疾者致仕不勝表率者罷為民  
庶子行在翰林院侍讀學士李時勉言本院檢討  
李錫及辦事大理寺二副馬信俱有疾中書舍人陳  
宗淵夏島俱昏耄不堪任事 上令有疾者回家調  
治昏耄者致仕 右僉都御史羅亨信奏陝西黃河  
迤北至甘肅西寧各驛俱係馳報邊務轉運軍需之



所其驛遞官遇有三年六年考滿不許離職供以事蹟牌冊投府衛轉送陝西布政司類進庶不悞事。下行在吏部請暫允其言從之。身信又言驛傳旧有定制近各處鎮守提兵官不分公私事務輒給驛馬或遣人常幹貿易託以官物擅起車牛絡繹于道是致人畜疲斃乞榜諭禁之。違者從風憲官糾治。上命兵部申明旧制禁約事例榜于各驛遞。右軍都督蔣信母不牙罕卒遣官葵祭。辛丑山東僑倭都督僉事衛青有疾命太醫院遣醫士調治。罷運茶。

夫鹽例時右僉都御史羅亨信奏茶課本以利中國便番民近許客商自備脚力閤運官茶往甘州西寧交納給與淮浙官鹽客商恃有執照文憑惟販私茶官課經五七年不完遂致官茶價低買馬不便又邊衛軍餘耕種田畝止令自給免納稅糧近者邊儲缺少仍令計畝而輸軍士供給艱難事下行在戶部覆奏。上以茶禁不可不嚴邊軍所當優恤俱如所言。行在禮部奏廣西柳州衛百戶戴銘忠州土官舍人岑笋等賚捧。聖聖冬至慶賀表文後期而至請。



治其罪。上皆宥之。湖廣都司都指揮僉事何貴鎮守清浪寺衛，假以操練為名，數受士卒銀兩，紆絲馬牛等物，強奪良家妻女為妾。下都察院獄，擬罪當絞。上特宥之，降為事官。甘肅立功。壬寅行在吏部尚書郭璉等言：「監察御史邵宗為都察院考作法，律不通宗，不服乞辭。」緣宗歷任九年，已經考稱在部。今右都御史顧佐等又作見任考劾。上以佐等顛倒是非，特責戒之行。在浙江寺道監察御史張鵬等又擯摭宗微過，劾之。上曰：「佐等不循公道，槩將不

在任官員考退塞責。今各道御史又附會佐等，其朋奸欺罔，朋矣。姑記其罪，再犯不宥。癸卯，賞山東寺處官軍嚴禮等二百四十五人綵絹段鈔，有差以擒捕強賊功也。甲辰，順陞天府香河縣知縣曹銘為本府通判，仍理縣事。先是銘在縣九年，任滿，縣民詣闕言：「銘公勤廉恕撫，字有方，保苗復任，陞正六品俸。至是，銘請定職名，故有是命。」命大興左衛帶俸署都指揮僉事李信為都指揮僉事，協同都督李達鎮守北州府右僉都御史羅亨信言：「北州極邊要地，遠



已年老乞命智識驍勇者副之於是五府六部舉信以聞故命之下敕甘肅副提兵左都督任礼等得奏進職達賊有印文書以朕度之必甘州狡獪之徒不得肆奸故造言惑衆以畜事卿等密察其人得實即斬以徇有能首率者其厚賚之行在山東道察監御史陳濬等劾奏行在工部尚書吳中郎中馮春將逃故匠役一千三百餘名不与住支糧賞一槩冒關供請究問上姑宥之令其審覈具數以聞乙巳作公生門於長安左右門外之南南京裝運胡椒

蘇木馬快船一百艘至京上命留五十艘備用非奏敕肯不得應付以次更代故為田難者罪之行在都察院右都御史顧佐引疾乞致仕從之且賜敕褒諭并鈔五千貫命戶部覆其家遼東提兵官都督同知平凱奏五月胡虜百餘騎犯撫順三角山屯虜掠人畜備禦都指揮裴俊等分率官軍追至苦倫嶺數騎敗之斬首三級馬五十餘及盔甲弓矢盡復其所掠俊等已蒙加秩給賜其各墩官旗失瞭乞正其罪上命總兵官逮治之丙午陞江西布政



使陳智為行在都察院右都御史。命故必里衛指揮僉事康政叔字襲職。行在戶部奏切見各處屯種衛所下屯軍人百不遺一生之者少食之粟是故歲用不敷宜移文各衛遵洪武永樂間定制在邊者三分守城七分屯種在內者二分守城八分屯種每名如新例止餘徵糧六石交納附近官食仍命各處提兵鎮守巡撫官并都按二司巡按御史提督比較庶幾邊有實儲軍無匱乏從之。廣西按察司僉事鄧義奏所屬府州縣秋糧俱在本處收納積貯年久

腐爛不堪食用乞令該部酌量本處官員人等俸糧足用外其餘折鈔運赴南京該庫交納以資用。上命行在戶部議行。丁未周王有燬妹蘭陽郡主薨訃聞遣官諭祭命有司營葬事。洮州衛刺麻僧人也。天班丹奏比者九族內宗塔兒鎖南肖寺逃居異地請賜敕往諭俾各向化。上賜之勅曰爾等昔能識達。天命來歸朝廷肯獻馬牛未嘗有違朝廷亦隆恩典命爾等于本地畜牧不許守邊將士及別族番人侵犯隨爾安居樂業比聞爾宗塔兒鎖南肖寺



六家拉自移去大帳房星吉戶下潛任今特遣刺麻僧人也夫班丹賚教往諭尔等即回本處居住仍聽原頭目管屬凡在邊官軍人等敢有私自差人來尔簇中科擾者許尔等指寔赴京面奏詔以重罪不宥鎮守肅州都督同知王貴奏胡寇百餘騎犯臨水站殺傷人多掠馬騾牛羊凡千餘蓋指揮楊昇劉昇寺守瞭玩嫚所致請致其罪搃兵官都督任礼等又劾貴鎮守其地罪亦莫違上降勅責貴命同都指揮胡麒盡心整飭毋怠昇等違問如律戊申山東

寺處備倭左軍都督僉事衛青卒遣官祭祭已酉寧夏搃兵官都督同知史昭奏節次發回尾次使臣月魯卜花寺男嬭五十七人至寧夏道塞延佇日久供給不敷請暫徙居陝西安府候草地寧靜之日遣行從之鎮守涼州都督同知李安等奏迤北長脫木兒及滿哥帖木兒率其部落妻孥三百餘人來歸茲實皇上威德覃敷之所致臣不勝忻躍上慮安等志驕勅之曰古云受降如受敵鄉其益嚴邊備毋以彼來而怠忽也庚戌敕甘肅左副搃兵



左都督任礼寺曰得奏亦斤蒙古衛千戶把都麻首  
達賊狀已令都督趙安寺領兵隄備計畫有方其見  
卿寺勤勞但賊多譎詐把都麻言恐未實朕度之此  
亦甘州奸狡為之現前日偽印文書蓋可見其情狀  
雖然不可以為誣而忽之亦不可以其未至而不為  
之防况賊反心已萌尤當慮乎惟秣馬厲兵靜以俟  
之書曰惟事二乃其有備二二無患卿寺其念哉  
添設陝西咸陽寺二十九縣二丞專理糧稅從鎮守  
陝西右副都御史陳鎰奏請也 陝西平遠里圍回

回亞哈木巴加寺於廣西僻地安置初亞哈木巴加  
寺朝貢至京回至廣東延安年久至是有劾其不守  
礼法生事擾民者故從之 行在中軍右都督高文  
有疾命太醫院遣醫調治 行在吏部尚書郭璉言  
会同兵部尚書王驥寺考察得行在五軍都督府并  
各衛經歷王冲寺三員不諳行移張貫寺十八員老  
疾 上命貫寺冠帶閑住冲寺罷為民 謫遼東都  
指揮使刘清寺戍邊清寺領官軍護船糧料未往松  
花江為女直野人所掠法司擬死并追其糧料而清



寺筭之無徵。上宥之命。甘肅。辛亥。爪哇。因遣使  
西列牙者。寺并泰寧。寺衛指揮板不來兀者。右寺衛  
舍人若女。寺朶顏哈赤。寺衛指揮。寺官哈刺不花。寺  
俱來朝。貢馬及方物。賜晏並賜緜幣。寺物有筭。錄  
甘肅官軍戰歿功。贈陝西行都司署都指揮僉事王  
勇。劉禮為昭勇將軍。都指揮僉事鎮番。寺衛指揮僉  
事張鈺。特亨。陳榮。李旺。為懷遠將軍。指揮同知永昌  
衛正千戶孫真。為明威將軍。指揮僉事鎮番。寺衛付  
千戶王雄。寺人十。為武德將軍。正千戶秦州。寺衛百  
戶王清。寺九人。為武畧將軍。副千戶各遣官賜祭。仍  
給朱恤。其家有筭。旗軍一百五十四人。亦賜祭。人給  
米二石。壬子。命行在中軍署都督僉事李福。往山  
東提督備倭。敕諭刺麻也失班丹。賜以精勤善行  
勳書。諡河南西華縣常社巡檢司泌陽縣象河巡  
檢司從河南都司言也。直隸淮安府奏所屬州縣  
連年荒歉。人民艱食。原撥起運北京臨清糧倉乞存  
留本府常盈倉交納。以蘇民困。事下行在戶部覆奏  
請存留六萬石從之。禮部左侍郎吳廷用言。臣父



景亮今年九十有三乞賜歸省從之 癸丑給守衛  
官軍盛甲刀鎗各五百從行在府軍奏請也 行在  
吏部言監察御史陳懋以素行不立被黜今陳乞叙  
用上以懋行既虧尚可復用耶令追奪其所受敕  
命 甲寅給綏德寺衛馬一千一百餘匹 山西左  
叅政王來言逃民在各處年久成家雜累蒙恩詔撫  
回棗其田產涼荒不能葺理仍獲逃去深負朝廷務  
恤之意請令隨處附籍當差如係軍籍亦俟有行勾  
一体解補仍免其稅糧一年庶使民不失業軍不空

伍 上命行在戶部議行 西寧都指揮僉事陳斌

招來把沙阿吉等簇頭目寫兒吉等時把沙等番人  
屢出剽掠搃兵官任禮奉勅委斌招之至是來歸併  
納所虜牛馬分處旧居長城等地 乙卯命署都督  
僉事李謙總督赤城獨石等處守備先是右叅政劉  
璉奏獨石至永寧皆左叅將馬昇提督昇今得罪而  
各處守備永寧則興安伯徐亨都指揮韓鎮獨石則  
都指揮杜衡各專政令不相統攝乞委人一搃之  
上命搃兵官談廣議廣奉謙故命之令鎮衡聽其節制



召亭還京命建涼州九溪永定鎮海太倉等衛儒  
學從兵部右侍郎徐晞言也從甘州涼州寄居回  
回于江南各衛凡四百三十六戶一千七百四十九  
口行在吏部言教官九年考覆黜陟若不論奉人  
名數教授五名學正三名教諭二名訓導一名及教  
者為稱職陞用不及數者為本常本等用全無者黜  
降不通經者別用如此則考課黜陟有例可擬從之  
行在戶部奏鳳陽等衛軍人訢指揮等官四十九  
員若便逮問慮恐有誤備運請如宣德中例俟備運  
畢日然後逮問從之行在兵部左侍郎柴車奏遠  
人來歸朝廷爵之賚之願居京者聽然虜性譎詐叛  
服靡常今長脫木兒者永樂初隨其部長把都帖  
木兒來歸未幾叛去迨今幾三十載又復來歸安知  
異日之不叛耶况京師糧儲漕運不芴請因其初來  
錫賚之就遣分處江南衛所居以室廬眷以廩祿裨  
各得所且無同類交引庶幾其無身他念事下兵部  
議尚書王驥等謂永等間來降違官崇永正等俱在  
直定等府居住乞如其例遣官送至河間德州等處



命所在有司撥房屋給器用授田地俾其耕牧生息  
誠為便利今後雖有來降者請照其例從之丙辰  
賜靖江王佐啟嫡長子相承一品冠服 采顏衛顯  
目采蘭帖木兒噶城衛野人女直伯桑加等連州衛  
女直韃官千戶阿隆加等俱來朝貢馬及方物賜宴  
并賜絲幣等物有差 陞監察御史趙紳邵宗給事  
中陶育為府同知以九年任滿循常例陞授也 夜  
月生左珥色蒼白 丁巳行在錦衣衛指揮使哈只  
為都指揮同知仍本衛帶俸 命行在羽林前衛指

揮同知張規孫原代職規以奉天征討功授典膳後  
隨北征累官本衛指揮同知典大庖厨膳至是老疾  
乞以原代故有是命 行在吏科給中鄭泰等言今  
年天下諸衙門所進須知文冊內戶口錢糧數目遠  
錯多者其經該官吏又布政使石執中等三千六百  
五十九員悉當究治 上宥其罪但令移文諭戒之  
巡撫大同宣府右僉都御史李儀言備邊三事一  
行在戶部移文於宣府操備軍內量撥運糧三萬二  
千石赴鷓鴣雲州龍門交納緣各衛軍餘除調撥守



禦外止有三千餘名軍少運多恐有悞事乞命兩京  
法司取勘罪人所犯輕重分給閔運一永樂中設順  
聖馬坊旧無橋樑非山水泛漲之時自可徒涉宣德  
中新創四橋遭水衝決不一糜費財力脩理至今不  
完緣非急務乞暫停止一遊擊將軍都指揮僉事楊  
洪自負驍勇常有輕敵之志往往出境巡哨不與總  
兵官知會恐遇不測有損國威請戒洪今後出境必  
須閱報庶相測應一上以守邊軍士艱苦豈可重困  
橋樑既非急務罷後勿脩楊洪輕敵誣遣敕諭之犯

人運米戶部其定死徒管杖等罪所遣寺第以聞  
日有暈色黃赤一戊午雲南泰和縣尋甸軍民府土  
官妻沙仲並因遠羅必甸長官司土人湖廣宜順軍  
民宣慰使司土官舍人俱來朝貢馬賜綵幣等物有  
恙一己未肅王瞻焯奏一太祖封先王建立府于甘  
州今移蘭縣有司請改故王府為都司衙門但先王  
陵寢尚存而近府所藝果木寔賴生養乞免改數從  
之一裁省黜罷南京各衙門主事寺官二十餘人從  
吏部郎中徐可才言也一山東右叅政刘璉奏萬全



都司并各衛倉糧官措收放姦弊滋甚乞照京衛添設經歷一員公同收支俾相覈察又宣府各處馬草數多收支不明乞增置草場銓撥官吏專一收支經歷倉官措典若用本處人民豈無親識交通作弊乞用別布政司人事下行在戶部覆奏從之 庚申清平伯吳英有疾命醫調治 辛酉遣中官祭中雷之神給遼東官軍馬價中寺馬綿疋十五疋絹五疋下寺馬綿布十二疋絹二疋 命提兵官覆實宿軍原領馬果係征戰傷損者給之 壬戌賜楚王孟烷

庶第二子名曰孟淑第三子名曰季標永安懿簡王第四子名曰季城涼州回回忽歹達寺來歸賜房屋衣服等物安插居住 陞保定府知府周監為山東左叅政支正三品俸仍掌府事監在任九年將滿其所部人民言其剛明廉慈乞留復任巡撫巡按官覈寔故有是命 命浙江青田縣知縣吳安復職先是巡按監察御史王璉考安才力不及安不服下巡撫并布按二司官覈覆安在任稱職故有是命 甲子罷行在工部主事董瑛為民璞宣德間坐職繫獄



及往雲南公幹又娶軍人安為妾至是吏部劾其過  
上以瑛行既虧黜之

大明英宗睿皇帝實錄卷之十八

大明英宗睿皇帝實錄卷之十九

正統元年閏六月乙丑朔丙寅遣官持節冊楚府  
典簿傅鳳女為武陵王素兒妃武昌府知事謝本女  
為黔陽王素淑妃良醫副王志學女為東安王素嫫  
妃武昌護衛百戶蔡瑤女為岳陽王素境妃以楚  
王孟煇第三女湘鄉郡主配王謙永安懿簡王庶長  
女公安縣主配陳衍崇陽王孟燿庶長女善化縣主  
配彭福通山王孟燿庶第二女桃源縣主配張琳命  
謙等皆為宗人府儀賓選陳氏為鎮國將軍素城夫



人田氏為鎮國將軍柔坡夫人俱賜誥命冠服等物  
丁卯新建伯李王蚤朝墜馬有傷命醫士復視之  
命行在戶部移文應天府歲於所屬量存商稅鈔  
課夫給光祿寺買辦果品供奉先殿并各王公主  
墳所時節祭祀行在戶部奏浙江直隸蕪松等處  
減除稅糧數司已命重徵尚多不寔蓋緣各司府縣  
官不念朝廷供給惟知掠美沽名以致倉廩歲用不  
敷請移文各處巡撫侍郎并司府縣官用心覈寔其  
官田准民田起科每畝秋糧四斗一升至二石以上

者減作二斗七升二斗一升以上至四斗者減作二  
斗一斗一升至二斗者減作一斗明白其數送部磨  
勘上從其請且命諭各官審覈務循至公不得欺  
官損民以招罪咎時軍民多自官希進聞有以赦  
前獲免罪者刑部請依旧例不限赦前赦後俱論以  
不孝罪從之戊辰福建致仕都指揮僉事胡雄奏  
臣于永樂病目幾至喪明臣男興到肝以療臣目復  
明乞賜旌表上以其非孝親正道不允所請  
己巳詔罷陝西布政司續造駝駝先是永樂中以駝



既溫煖令內官於所出地方索買且令專業者給官料織造五十疋自後歲以為常至是陝西右叅政年富奏本司原造綾絹氈氍九百餘疋復加造氍氈五十疋民力不堪乞免造從之  
庚午巡撫陝西為事官羅汝敬奏鎮番永昌莊浪涼州四衛先因荒旱少收續被達賊抄掠軍餘旗甲饑窘乏食欲待奏請賑濟恐緩不及事已給倉糧二千七十餘石濟之上曰叔宜濟人如此可也  
辛未行在四川尋道監察御史郭原奏寺法司鞠問雜犯死罪以下有力者運

磚無力者輸作贖罪其軍職受贖死者運磚畢調衛今畏調惟輸作遷延希遂致缺官辦事請上以為然命軍職運磚贖死者依限運畢調衛勿庸輸作無力運磚者死罪於甘肅守備五年徒流罪于赤城獨石依限守備畢日兵部查究處之  
壬申山西按察司付使嚴繼先奏振武衛指揮李得行大僕寺卿于伯恭寺縱令旗舍攬納稅糧大有倉副使禹海寺盜賣邊儲皆有寔跡請治其罪  
上命下山西按察司獄鞠之  
旨刻月犯氏宿  
癸酉湖廣按察司奏署



都指揮僉事陳震欲奪取故都指揮同知黃榮自營  
第榮宅子武昌左衛指揮使貴不從非法虐之又極  
占造紙局官房數十間黑其紅門以居上命巡按  
御史鞠之以聞昏刻月犯鍵閉星甲戌命湖廣  
永順軍民宣慰使司故宣慰使彭仲子世雄襲職  
謫守備永昌衛都指揮胡清指揮僉事胡瑄滕暹梅  
英許臯千戶劉義等十人或邊先是陝西行都司署  
都指揮使任啓奏清等追勅胡冠畏縮欺績上命  
啓同巡按御史逮究之至是獄成宥死俾戍邊哨備

乙亥賜敕諭朵顏衛都指揮哈剌哈孫等曰爾等  
遣使來朝貢馬勤誠可嘉今欲令頭目往諭朕意恐  
其不体朝廷撫綏之意反為爾害故就令爾差來人  
賚敕諭爾等恪遵法度戒飾部屬勿相欺犯庶幾長  
享富貴仍各賜爾等金織文綺綵絹等物有差阿  
端地方頭目拾力哈三米兒咱等遣使臣亦的力思  
等哈密忠順王卜谷失里遣指揮連來蠻等建州衛  
女直指揮李滿住遣男古納哈等俱來朝貢馬駝方  
物賜晏并賜綵幣等物有差行在戶部主事朱振



秦准王移封饒州詔以安府營房地株湖山霞山強  
山湖地屬王并為儀衛司及居官軍旗校臣等會官  
勘視皆有干涉請即三皇廟錦衣巷隙地為之上  
從之仍令江西三司及巡按御史採訪山場不籍糧  
者以益王用以夜月犯南斗杓第一星丙子詔脩  
唐王府從王奏請也戊寅迤北來歸長脫木兒  
滿哥卜花撒力帖木哥六十八人沙州等衛千戶阿  
兒台哥二十八人奏願居京自効命長脫木兒等三  
人為指揮僉事察罕奴及古先哥等八人為副千戶

把都麻兒加哥七十三人為百戶及所鎮撫其阿兒  
台哥及其二子先授指揮僉事及正千戶職至是命  
如故各賜冠帶行在禮部奏迤西沙州衛因即來  
部屬阿兒台哥歸附賞例無冠帶銀兩鞍馬上以  
遠人來歸同於慕義其如永樂間例悉加恩賚瓜  
陸國使臣馬用良自陳先任八諦來朝蒙賜銀帶今  
為巫烈乞賜金帶其八諦南巫哥乞賜銀帶上以  
爪哇國恪脩貢職久而弗怠悉與之司鑄庫左付  
使龔政奏比因減省買辦支鈔數少月進數多缺庫



收貯欲將官員折俸全支鈔事下行在戶部覆奏以  
為若此則支鈔多鈔法愈滯請將兩京文武官員  
萬全大寧都司北直隸衛所官軍折俸每歲半支鈔  
半支胡椒蘇木從之巡撫河南山西行在兵部右  
侍郎于謙言十事一曰接濟邊儲近來邊方多事而  
民田無收乞將各處文武官犯贓運磚贖罪者定其  
糧數多寡運赴大同宣撫甘肅夏上納贖罪庶民  
力稍甦邊餉有備二曰優養軍士山西山東河南直  
隸衛所官軍每歲輪流兩班赴京操備以致守城乏

人屯田荒蕪乞分作三班一赴京一字城一屯種庶  
軍得寬力民省供費三曰減省吏役：：本為薄書  
而設然未必皆諳曉文移多是僥倖出身甚至久占  
衙門取利肥家有甚虎狼乞將諳曉者存留餘者悉  
退黜之庶省民害四曰清理軍伍朝廷命監察御史  
清軍以革衛所差人勾擾之弊其計甚良然軍士原  
籍有去衛所數千里者或畏道路之間不即赴役間  
有赴者途中多至凍餒病死乞將二千里外者量給  
口糧以濟之庶全軍伍五日查勘邊戶山西河南旱



荒人民逃移遺下糧草見在人戶包納是以荒蕪地  
所民愈少而糧不減豐熟地方民愈多而糧無增乞  
令各處入籍就納原籍糧草庶稅無虧欠民無靠損  
六曰禁止納山西土瘠民貧路險運艱其給邊稅糧  
惟賣物貨之彼糴然各邊官旗各倉措斗侵欺物貨  
盡出通關致倉無見糧運軍士缺食乞將侵欺盜賣  
者解京庶奸頑瞻懼軍糧豐羨七曰中納鹽糧各邊  
關中鹽糧以廣儲蓄行之既久公私兩便近來客商  
開中者少蓋以納米數目過多夫鹽俟候日久取利

不多畏縮不行乞將米數十減二分夫鹽之日不許  
運司由難度商賈集輸八曰取用監生朝廷命監生  
于各衙門歷事近來巡按監察御史亦有監生二名  
跟隨然不理刑名虛延歲月宜令其理刑會書如各  
部歷事例弗勤慎者送監肄業庶人材無滯九曰辭  
理刑名在內法司重囚凡遇隆冬盛暑會官審理枉  
寃者得以辨明可矜者得蒙寬宥在外重囚其間豈  
無寃抑可矜者乞如在京審錄凡巡按御史按察司  
官考滿開報所辯囚數量其多寡以為黜陟庶人知



激勸獄無冤枉十曰存恤孤老洪武旧制天下郡縣俱設養濟院夫給柴薪布疋專為存恤孤老收養貧窮歲久房屋倒塌制度廢弛乞命有司常加提督收養毋令失所庶恩典昭明鰥寡受惠事下行在禮部會官議得欲有司給與在途軍士口糧恐致淹留難行監生弗勤慎者宜黜退為民其餘請如謙言 上是其議仍命尚書胡濙等曰軍旅事重謙欲操備軍士分為三班還與提兵官詳議以聞 已卯寧夏提兵官都督同知史昭監察御史顧理奏胡冠犯寧夏

屯營掠耕牛七十頭官馬百餘匹都指揮陳忠率兵追之惟獲牛以還忠與指揮丁昱林英等俱宜寘于法并追馬以償 上宥忠罪仍任俸半年餘逮問如律 庚辰擢進士沈諲王用為吏部主事林茂為兵部主事蘇洪丁芹蕭璵曾翬陸矩為刑部主事徐洪為太僕寺丞 直隸河間府靜海縣四月蝗蝻徧野田萊被傷民拾草子充食而官府徵索如故事聞上命行在戶部移文巡按巡撫官分投按視被災處即加撫慰一應稅糧物件等項悉皆蠲免以蘇民困



山西右布政使樊鎮奏操備馬匹夫料旧例自十月起至次年四月終止而玉林衛多夫馬料共一萬二千二百五十餘口雜差官軍多支行糧各五斗又鎮虜守衛不將支給糧料數目開報皆有奸弊事下行在戶部覆奏請令巡按監察御史覆勘從之 午 壬

上諭行在禮部臣曰 山陵祭祀哀戚存焉服飾華麗豈礼所宜朕自今後 每遇 孝陵 長陵 獻陵

景陵行礼之日与百官俱具淺色衣服如洪武永樂例 行在都察院右付都御史賈諒等舉推官胡

宗知縣嚴敬魏忱馮誠縣丞王凌序班刘甄等堪任御史 上以御史職任匪輕令歷刑半年考校庶幾得人 敕遼東總兵官都督同知凱巫等曰今得建州都指揮僉事李滿任奏原奉恩命在婆猪江住坐近被忽剌温野人侵害欲移居遼陽卓河朕未知有無妨碍爾等宜計議安置處所毋弛邊備毋失夷情 行在禮部右侍郎王士加奏順天府所屬州縣蝗蝻傷稼官員考滿者請暫留督捕事下行在吏部覆奏從之 遼東定遠守衛奏往年旱潦所負屯田



子粒上納艱難事下行在戶部覆奏移文巡撫僉都御史李濟覈實除之 癸未命駙馬都尉井源往北京行太僕寺丞永康侯徐安往太僕寺印記馬駒驛七萬餘匹 甲申增行在戶部四川司郎中張擘四品俸 行在禮部奏襄王瞻塔時移因襄陽宜脩社稷山川祠宇其樂舞生之類請于襄陽縣屬從之 命山海衛指揮僉事徐斌提督山海關從備禦門正福山奏保也 乙酉命故山東都指揮同知丁英子裕河南都指揮僉事劉庸子剛陝西都指揮僉事紀

勝子瑄俱襲為指揮使彭城衛指揮使冀斌弟璽羽林前衛指揮同知陳安第信府軍衛指揮僉事胡清子剛錦衣衛指揮僉事孫林子通金吾左衛指揮僉事呂成子通俱襲職永清右衛指揮使張亦禿子安燕山左衛指揮僉事子玉張旺俱代職 丙戌復除付使王暹于山東按察司以丁憂復闕故也 鎮守陝西都督同知鄭銘等奏胡寇六千餘騎犯肅州殺虜二百餘人掠馬畜一萬四千有奇又犯石關及永興墩又犯塩地盡掠其驛馬 上命兵部蚤備長策



務在勦滅毋遺邊患 罷福建按察西僉事周瑛為  
民以刑部右侍郎吾紳等劾其沉湎不檢故也 行  
在工部都水清吏司主事陳中坐本部尚書等官劾  
羅職飾詞乞辯行在吏部發其貪污事請正其罪  
上命執送刑部訊之 巡按陝西監察御史房威奏  
陝西秦州衛是年六月癸未風雷雨雹大作山水泛  
漲衝入城內浸塌官員軍民廬舍倉庫其粟米二麥  
黑豆共一萬八千餘石綿布三千三百餘疋盡行漂  
流 上命行在戶部遣官覆視以聞 丁亥命故陝

西署都指揮僉事王勇子佐刻礼子源俱襲為指揮  
使 太子太保成国公朱勇等奏五軍各衛歲辦草  
束一百七十萬今又派七十二萬乞量減其數 上  
命在行戶部計料足用則已毋過勞軍士 內官監  
火者宋義春逃軍為奴乘奴逼死 上命送都察院  
雷寔斬之仍出榜禁約 戊子陞行在吏科給事中  
儲懋為行在翰林院脩撰先是懋以舉元經筵講官  
至是九年考滿故有是命 命四川成都府灌縣縣  
崖閔巡檢司巡檢楊節復任是命書當夷徃來之衝



鄧盤詰禁捕勤慎有方九年任滿當調羗民奏乞復任故有是命 已丑陽和等衛府軍民湯斌等三人自阿魯台部下來歸首駝馬賜房屋鈔幣等物安插居住 給府宣等衛下屯軍士三百餘人耕牛人二隻從巡撫僉都御史李儀奏請也 公侯伯及行在五府六部議巡撫侍郎于謙所奏外衛赴京操備官軍分為三班事謂在京選操官軍已十萬餘過警足用今國家歲費錢穀動以數百萬計皆仰給于江南軍民連歲轉輸不得休息請以附京衛所官軍仍令

操備其河南等都司及南直隸衛所悉免調庶外衛足兵糧餉不費而漕運之困亦可少舒 上以京師居重馭輕之地不准所議姑仍其旧 寧夏提兵官都督同知史昭奏邊衛武職犯罪納米贖還職軍人不調衛用是奸頑之徒故犯納米延緩歲月以備操遣乞自今官定年限守瞭邊關俟滿復職軍調邊衛庶有所警 上命所司議于是定例官犯罪納米者死罪限一月流徒二十日杖笞十日不能完發邊衛守瞭死罪五年流四年徒五年笞杖一年笞半年有功



者就令還職無功者限滿還職軍人倚法為姦怙終  
故犯者徒流遷徙俱杖一百調極邊守瞭 爪哇國  
使臣高乃生奏蒙國王差貢方物原船被風漂去臣  
願自備物料乞命所司給人匠脩船以回本國從之  
起復山東左布政使劉中敷視事以巡按監察御  
史孫純言本司缺官理事故也 庚寅行在光祿寺  
奏供給使臣缺少猪肉乞于山東有司支銀買用  
上以減省之詔方下而復擾民可乎命以牛羊肉代  
之 命故清平侯王友庶孫鑑襲羽林前衛指揮僉

事永樂間友生逗遛下錦衣衛獄子順授羽林前衛  
指揮僉事宣德友故至是其妾乞以鑑襲爵 上以  
友在 先朝既生死論故有是命 辛卯安南國叔  
署國事黎麟遣陪臣陶公僕等來朝表衣方物賜絲  
幣等物 建州衛都指揮李滿住遣男古納哈等朝  
貢并送還東寧等衛逃移人四十八口復業 上嘉  
其効誠賜絲緞紵絲龍衣靴帽有差 鎮守陝西都  
督同知鄭銘言陝西邊餉浩大缺官督理乞免為事  
官羅汝敬赴京議事其右布政使王敏左叅議郭堅



副使金濂僉事傳吉三年考滿乞免赴部給由從之  
叅贊甘肅軍務兵部左侍郎柴車奏都指揮僉事  
后能冒殺寇功陞都指揮同知受賜白金及金織衣  
首實伏罪蒙 聖恩宥之不予追削固優待之意然  
不足以為戒乞革其爵賜以彰國家賞罰之公從之  
壬辰爪哇國使臣財富入致滿榮自陳初姓洪名  
茂仔福建龍溪縣民取魚為業被番倭虜去脫走于  
爪哇改今名遣進方物來京願乞復業 上命有司  
給脚力口糧送還本家 癸巳遣古里蘇門答刺錫

蘭山柯枝天方加異勒阿丹忽魯謨斯祖法兒甘巴  
里真臘十一國使臣為卜滿都魯牙等國瓜哇使臣  
郭信等國敷爪哇國王楊惟西沙曰王自我 先  
朝脩職弗怠朕今即位王復遣使朝貢誠意具悉宣  
德時有古理及真臘等十一國各遣使朝貢未聞今  
王使回特賜海船與各使同還王其加意撫恤分遣  
還各國庶副朕懷遠之心仍命邁卜滿都魯牙等十  
一使齎敕諭其王 選北京行天僕寺壯駒三千匹  
牧于御馬監



大明英宗睿皇帝寔錄卷之十九



書